

近代中國史料叢刊續編第三十一輯
沈雲龍主編

吳州四程詩文集

程嵩齡編

文海出版社

有限公司
印行

吳州四程詩文集目錄

春暉草堂詩文稿

程紹昌 文伯

叙

袁錦先生撰象贊

文

鳩隱室記

書前明墨蹟冊頁後

高君麓庵李君某生周君琴生畫冊跋

劉蔚伯古今印存序

致吳蓮芬觀察書

跋某菊花詩

臘鼓賦

主忠信賦

震為蒼筤竹賦

卓犖觀群書賦

詩

儀徵鄭烈婦殉難錄書後

吟五兄屬題仲山畫菊仲山曾以畫菊冊頁貽我今已失去

見此幅覺一時樽酒之樂如目前也

子文小庵昆玉雪後招飲余適有武陵之行席間有贈恐余
雨雪載塗也醉中書感走筆效涪翁七言謝之

守研歌

書某寺壁

題某秋江嘯月圖

再題秋江嘯月圖

題許賓四琴鶴

欲雪

移居東村

表第宮小園分宅而居移家後感而賦此

十一月初五日懷董渠亭

寄六弟韜庵

菊枕

耳鳴秋夜不寐擬采菊花作枕得詩二首重陽日過鳩隱園
看鞠佩齋先生見拙作許以菊贈園中故多菊也奉呈致謝
奉和元旦即事詩聞惠佳釀詩以謝之

聞客冬至蘇州購書帖甚夥次前韻

僕藏完白山人寄鶴書冊麓樵驟欲索觀少翁欲先出此冊
然後致酒戲疊前韻

麓樵欲兼惠食品疊韻却謝

再疊前韻東南卿

丙辰五月陪真州吳讓之飲張君石琴西齋見壁上小石尊
元詠梅四律依韻答之詩中多涉禪門語是日喜聞讓之論
書勉以參悟知一切法作如是觀也

乾陳繡堂先生

題鄒雋生藏鄒先哲墨蹟成冊

擬顏延年五君詠

和東坡自金山放船至焦山原韻

青桐館茗譚

題康伯山圍壚聽雪圖

題秋窗校碑圖

題尤銜雲寒江獨釣圖

遊城西草堂

城西草堂十二景

戊午八月同人燕集城西草堂即席次表後山韻贈鼎華

戊午七月聞鶴衫弟病歿壽州旅次詩以哭之

亡妻歿後十日乘小車至南鄉中途遇雨作詩誌痛得七絕

六首

乾室嫂氏朱六十韻

大兒祥禾幕遊南台今七年矣甲寅歲暮旋里即事得詩五
首

甲寅中秋蓬之先生招同湯君印卿張君左泉吾園看桂口
占索和前後八章即次元韻

九月十二夜對月

秋蝶

小園執菊三十種借兒輩灌植累月重陽後剪燭賞之

病中口占

邀方外懷馨登隣友徐氏昆弟菊酒小叙戲成一絕

射陽

沙濤

輓陳叔度先生

題真州榮園峯石

秋山訪隱圖為趙仲穆題

奉和禮堂司馬茗飲城北茶亭原韻

題三峯園圖即次蓮芬觀察韻

平山訪僧

失題

題桐陰抱琴圖

題汪子所示擘窠書

再題擘窠書

賀某壽七十

祈雪得雪呈泰州某令五十韻

己未元旦迎春書此志喜並索古愚桐庵和之

晨起晤家小香談及國朝己未科人文之盛疊次前韻

詞

摘得新

浪淘沙 雙樹庵道署為金雪舫題

一萼紅 真州吳讓之先生屬為樂平黃琴川題

菩薩蠻 近借吳先生讓之姚君仲海汪君研山學填詞錄呈柳村親家四闕

悽涼犯 寒雅和姚仲海

蘭陵王 落葉和汪仲山

祝英臺近 注引

解連環

乙卯立秋前五日慧遠先生招同北郭茗飲清話移時歸來澗下填此呈教

先生招同北郭茗飲清話移

一枝春

題錢子奇燕山踏雪圖

尉遲杯

綠陰

定風波

十四夜月

減字木蘭花

買陂塘

沁園春

龍吟曲

自題焦巖春月卷子

水龍吟登大觀亭

菩薩蠻

水調歌頭題康瑞伯小海山房圖

因是齋詩文稿

程宇先 韜庵

叙

文

晉軌室詩存叙

夏退庵墓誌銘

致吳棟之書

致張荅浦函 六通

寄川中書 二通

梅花嶺賦

詩

甲辰春初入都城西草堂留別

城西草堂十二景

送許遂庵先生入蜀

禱詩廿首之一

籠禽

六十九
言二
題鄭煦亭賞月延桂圖 集文選

古意

夜坐有作

鄉雋生集鄉前輩百三十人法書裝潢成冊屬題

詞 一名栢影軒詞

水龍吟 饒春

菩薩蠻 二闋

木蘭花慢

宿葉飛

定風波

奪錦標 秋暈

疏影 秋暈

長亭怨慢 秋暈

水龍吟 秋角

轆轤金井 秋窻

霜葉飛 秋櫺

霓裳中序第一 秋暈

一枝花 秋鏞

燭影搖紅 秋暮

湘春夜月 蔣翁不作花

虞美人

憶舊遊 題康伯山小照

霜葉飛 關河早霜愴神搖落真此吊之以證同茲感者

延暉書屋詩文稿

程祥芝 小鄉

叙

文

致小松堂弟書

以文會友賦

詩

遊城西草堂即事題贈

鄒雋生收藏鄉先達手蹟裝冊屬題

壬寅二月三日同人恭祀梓潼帝君以我能拔爾抑塞磊落
之奇才分韻得爾字

癸卯仲春陳硯香將試京兆留別同人自小香以下帳飲者
凡十三人以春風得意馬蹄疾一日看遍長安花分韻得花
字

題許賓四琴鶴圖

春社

春曉

和陳少方六十生朝

風入松

松承堂詩文稿

叙

晁端書先生續纂揚州府志人物

章士旂先生題程小松詩集後

節錄王先裕先生東湖因樹園圖記

夏翼朝先生致楹帖

孔繼鑠先生致楹帖

王廣業先生撰墓誌銘

文

含碧草堂記

鄭頭亭先生賞月延桂圖序

哭紀內弟鐵甫哀文

王琴軒孝廉綠陰山館詩鈔序

松籟閣詩鈔序

燼餘錄跋

東湖草堂賦鈔序

洗冤錄外編序

重刻朱子小學序

重建先農壇記

家書二通

亡姬劉氏壙記

大理石屏記

三顧草廬賦

菊花仙賦

畫菊賦

東坡笠屐圖賦

摺疊扇賦

杏花春雨江南賦

虹橋秋柳賦

碁聲賦 二篇

賦詩臺賦

東坡仇池石賦

返魂梅賦

螢苑賦

楓落吳江冷賦

詩

秦淮雜詩十六首和王二波韻

寄懷莊蝶園

呈天長令傅少崖父子

贈毘陵余瑞卿

大儀鎮旅壁題句

贈王二波騎尉

歲暮

酒痕分詠得十四鹽

呈儲漁溪先生

八月二日偕友梅泛舟湖上

次日復與金讓水諸子良遊湖上

贈金讓水

友梅虛約游山雨阻未果作此柬子述讓水子良

同友梅遊吳山作

讓水子迷同至大洞經閣

題讓水閒秋草堂詞後

瑞石洞

大觀臺

半間堂

偕姚賓門李子鶴吳子林鄭少怡寶城看菊

宿鄧溥泉書齋

偕宮小山鄧溥泉飲香榭軒

湖上芙蓉

將之皖江留別同學

東銅陵同學

呈胡敬溪夫子

偶然

夜泊辰洲

無題

龍潭拜史松垞先生墮即寄小松吳中

棲霞

石城橋

江行雜詠

東劉穀生

謁外祖皖城山館

東坡生日寄康端伯

二十九初度呈外祖并寄仁山舅氏粵東

迎江寺

歲暮懷人

讀外祖復安詩稿

一指巖

陪永山藹山兩叟氏夜話

登大龍山

皖江即事

和外祖舊作井陘道中原韻

題江上酒樓

舟中夜坐

登樅陽白鶴峯

曉過大通

荻港觀燈

魯港江上喜晤章憲谷即送之北上

蕪湖感事

贈毘陵吳步蟾邂逅蕪陰

歸舟阻滯游滁不果却寄高麓庵刺史

金陵感舊

夜泊燕子磯懷史小松龍潭

真州謁文信國祠

五更行真州道上

高南卿過訪寓齋話舊

題家書後

喜晤田少泉康瑞伯揚州

迎曙軒呈主人趙漢南含章昆季

真州訪常繼香不值

嘗慧日泉

翠竹庵晤家麓山

聽雨分韻得曙字

清凌山院分詠得山字

清凌山和車竹君

疊竹君聽雨韻得八律贈之

寄內

梅格分韻得五微

東唐大蔚伯

題傅少崖師小照

和張述夫出都口占四首

贈邱海琴

送傅松如歸泉州

偶作

張述夫招集二峯草堂為持螯之會即送葉酒生歸邗上

臘月小集守真堂進崇海門不至

題全椒章雨人印譜

擬行行重行行

擬青青河畔草

擬今日良宴會

擬西北有高樓

擬迢迢牽女星

擬明月何皎皎

訪梅

問梅

折梅

畫梅

寒山

寒雲

寒鴉

寒菜

謝文節號鐘琴

趙忠毅鐵如意

餞臘詞

呈家島山孝廉

唐宮水筋歌

和東坡讀孟郊詩二首即用其韻

歲暮書懷和杜工部十二月一日三首韻並擬其體

題康端伯小海山房圖

贈崇海門句

題許梧村移情海上圖

讀史八首之二

題畫

題陸次山鐵園集後

題黃母左太淑人事略

和幕中余新吾先生九秋即景原韻

敵樓落成

和陳少方六十生朝原韻

題湯秋史西遊吟草

題大理石屏

詞

沁園春

含碧草堂詠古分得陶學士掃雪烹茶

玲瓏玉

雪後東竹岩

高陽臺

寒夜書懷寄少泉

齊天樂

秋樵叔之壽春道出真州送至西郭門外馬山賦此而別

一萼紅 泊舟燕子磯風雨竟夕書寄所懷

前調 夕陽

湘江靜

真州西郊外有愛人石本汪氏榮園故物阮芸臺宮保題湘靈峯三字其上近謝芙仙繪榮園片石圖屬

題調此應之

南樓令 東綺雲樓主人

前調 秦淮感舊

聲聲慢 寒夜不寐百感悵觸枕上得此漏下三刻矣

淩涼犯 欵冬集分詠得寒字

南樓令 贈王二波騎尉

水過樂 留別全振章雨人

雨霖鈴 雨窗岑寂謝笑仙書來索去近作兼訂北山之遊往看紅葉調此謝之

念奴嬌 憶吾鄉望海樓梅花却寄湯梅庵丈康端伯常繼香田少東諸君

念奴嬌

東坡生日雅集予不得歸復用前韻寄諸同人

八聲甘州

秦淮雨夜聽琵琶從柳耆卿體

木蘭花慢

和二波見贈原韻

高陽臺

中秋夜留別

憶舊遊

題劉牧翁詞本

梅子黃時雨

題夏子俊香蓀館詞牘

賀新郎

吳子述以錄莊嚴室填詞圖屬題製此以贈

高陽臺

四篋南闈紀夢用余高陽臺韻茲余歸舟即事復疊前韻成之

買陂塘

題熊裕室浣花閣詞牘鈔

月十日

印後記

三六

春暉草堂詩文稿叙

叔曾祖文伯公著作。多不存稿。子文表先生言之詳矣。按續纂揚州府志。載公著有春暉草堂詩文集。洪楊亂後。盪焉無存。公詩前年兵革走還鄉。手持遺編脫生死。此外家珍存有數。零珪斷壁隨烟霧。亦足見散失多矣。此冊係抄自故弟毓齋處。藏公遺稿。均公晚年在秦避兵亂時作。公跋高麓庵等畫冊云。自郡城避亂。余回故里。所存書卷。斷壁零錄。又詩云。家鄉我羈旅。何處採文無。其為回秦時作可想。聞有購得數稿。或抄自友人者。藏之久矣。記得曾有關山月詩三首。今已不獲檢到。若不從事輯錄。蒿既衰老。且值

兵荒稍一怠惰。如何保存。况毓弟歿已十年矣。故篋舊藏。可危之
至。今幸由十月二十一日至二十九日。會錄竣事。次日正邀伯龍
識生。勁齋公權。叔梅。搏九諸弟。瞻樓閒聚。固樂獲睹先人手澤。且
樂參校之人多也。公嫡玄孫大年。客遊雅安。他日歸來。獲觀是集。
勉力付梓。是更嵩所馨香禱祝者。時民國三十二年大雪後。嵩齡
叙於因樹園之獲室。

袁錦先生撰象贊

先生諱紹昌。字文伯。雙橋京兆之曾孫。吾鄉耆舊也。先世休甯人。自京兆以來。已占籍泰州。故世為秦人。先生幼岐嶷。落筆已驚其長。老父嵇亭解元。命從李南阿明經。及堂兄香巖孝廉游。工制藝。直入黃岡鍾陵之室。與堂弟韜庵解元齊名。又與從子小籬小松同研至契。號吳州四程。邑名宿湯悔庵康伯山。唐蔚伯常高庵高文子。田少泉諸老。先後與先生文字相切磋。每學使蒞臨。試輒冠軍。最為周石芳、朱虹舫、白小衫三先生所稱賞。暇作詩古文辭。俱考覽經史。出入漢魏。顧不甚愛惜。甫脫藁。輒棄去。才不偶命。有試

書十上。廬膺房薦。幾獲魁選。而躓者再。卒不遇。而先生不少懈。性嗜古。與通州馮集軒進士同癖。最稱莫逆。尤工行草。未下筆時。先縱飲大醉。醉輒伸紙疾書。有天馬行空之概。先生於書法無所不窺。而於李北海為近。晚乃用安吳色先生一派。斷縑贖幅。世事寶之。家故不豐。以授徒自給。中年後卜宅郡城。與范膏庵羅若香吳謙之為友。掌教徐松泉先生見所作安梅兩書院課藝。每盛稱之。館於寶應朱恕齋方伯家。方伯推重先生。命從孫桂生聘先生女孫焉。先生以實學勵後進。所成就皆知名士。如江都桂子香。儀徵何述庭。吾鄉陳蕉生。尤稱通雅。歲癸丑。揚州之亂。先生始回故里。

長君祥禾。客於徐清惠公幕中。清惠寓書先生。招遊西湖。贖疾未
果。年七十一。歿於邑之馮家邨。咸豐九年十一月也。留葬所。卒以
明經終。士林惜之。孺人宮氏。紫玄太史裔孫女。夙嫻詩禮。亦能潛
隱衡門。相敬罔懈。先生卒。生子三。長祥禾。福建典史。次早卒。三
子駿。邑諸生。均嗣其家學。余年二十。就江甯有試。始識先生。先生
見所製雜作及古賦。絕賞之。為先君書團扇而別。自遭亂回里。過
從始密。同治乙巳。嗣君以先生畫像囑題。追感生平。展卷興歎。雖
德音已遠。而淵英靡絕。每憶高譚茂製。音韻天然。敷衽論心。時與
商榷。重以伯喈忘年之契。愧無孝若贊像之文。謹述所知。畧陳梗
概。州曰望詩之美。春暉草堂。贊。

概非敢測高深於萬一。亦以誌景仰於無窮云爾。贊曰。伊洛之英。
海陽之靈。於休先生。柔順文明。繼軌先哲。束身典型。述詠何極。言
象莫名。落落風騷。脩脩詞翰。著述川流。篇章雲散。含英咀華。扶質
立幹。悵念清芬。迹羈衡館。邈矣先生。淑配南宮。康媿黜婁。先事梁
鴻。懿乎其範。淵乎其躬。夫尊妻貴。匪爵而隆。夙仰程門。親其光耀。
眇厥丹青。示茲神妙。德音孔昭。厥形惟肖。用告後賢。是則是倣。

春暉草堂詩文稿

泰州程紹昌著

文

鳩隱室記

佩齋先生博雅好古。性耽山水。曩縱遊武林。歸乃搆別墅於廳事西偏。築室數楹。廣植花木。為暇時遊息地。意灑如也。乃自署其室曰鳩隱。夫先生何隱乎。而昨過先生之居。得縱觀所藏金石。清談娓娓不倦。先生之才與學。俱無稍隱。使得展其志。豈不可和鳴鸞鷲。顧乃退然自守。若樸拙以自安者。該有慨乎競巧者之拙。不如自適其適。以遊息於斯也。是夕偕同人集先生齋。出橫箋屬書此。

額時則腕圓初熟。夏扈喚人。不圖樽前有此閒逸。易曰。磐桓利居貞。知巧拙之名。又可以相忘矣。先生乃笑而領之。

書前明墨蹟冊頁後

鏡芙世大兄。交誼則後賢。文章則畏友也。戊午首夏。招飲西齋。出所藏金石圖書。名書法帖。偕白門章君雅堂。博雅士也。屬與校讐。昌東海鄙人。不足與於鑒賞家。而觸目琳琅。有不能自己者。家珍可數。屬為前明墨蹟署籤。其人皆吳人也。剛經柔史。水軟山溫。其地多產名雋。墨蹟之妙。前無古人。或真或贗。或隻鈎。或撫摹。昌不能辨。然氣韻可臆測也。翰墨。隻美。其文詞之工。非贗作也。且贗作。

萬不可及也。吾鄉田君少泉以為真蹟。真州吳君讓之以為參有贋本。冊中人居近吳中。吳歌吳歎。想當日亦德星聚也。贋作者但知名人。未必考其生年月日。鄉黨里居。而冊中所蒐羅者。所讐校者。皆不外此。是為真本甚夥。或附以贋作。亦贋作者之苦心。魚目混珠。時所不免。是田君或涉於濫。吳君或失之苛。昌不敢為調停。中立。酒後屬書。仍質之吳君田君。並求白門章君雅堂。不獨求之字。而質之文。冊中如王元美董華亭詞翰。雙工。當非贋本。吉先片羽。直可百金。酒後書此。不敢紫鳳天吳。信手顛倒也。元美詩。華亭書札。乞賜一稿。同觀者。儀徵汪君研山。泰州陳君翰清也。

高君麓庵李君某生周君琴生畫冊跋

竹垞先生家藏書畫。精鑒賞。頃承枉過。出所藏畫冊見示。囑署書首。兼題冊頁空紙。冊蓋胡蝶裝也。啟函讀之。畫者凡三人。皆三十年前舊交忘年友也。三人均長於余。高君麓庵。吾州巨族。美丰姿。精書畫。琴。碁。善騎射。作州牧。有政聲。畫學三王。余舊館三峯園。所見甚夥。李君某生。名育。江都人。嘉慶中。余居郡城。於族叔可亭家。數共譚讌。性豪邁。工吟詠。書法。畫有天授。所作禽鳥花卉。出入宋元。曩曾乞畫扇。今尚存也。周君琴生。家東台。曾館高氏三峯園。善畫工篆隸。性簡默。寡言。笑似低眉佛。視某生。兼飲啖。氣概如高冠。

長劍揮霍生風。意境有仙佛之殊。皆高君麓庵座上賓也。畫冊今存十一頁。自郡城避亂。余回故里。所存書卷。斷壁零縑。回憶故人。晨星落落。竹垞博雅好古。似君工文藝。兼精六法。酒後書此。攄懷舊之蓄念。亮有同情也。畫冊當不止此。吾州儲君曉嵐鍾君竹椽。皆精繪事。與高君友善。必有畫冊。今不知歸何所已。

劉蔚伯古今印存序

余曩以年家子館寶應。朱恕齋先生家。與儀徵陳樸生。孝廉聚處。凡一載。觀所藏古歛。巴君蔚祖印。數多載。漢印。孝廉工篆刻。深許氏學。間得聞其叙論。今歲余友劉君蔚伯。招飲雁翅墩別業。得觀

浮雲柳絮山房所輯古今印存與向所聞於陳君者相辨證竊謂
印章之有古今亦說各不同以宋元為近今是漢印為古以同輩
為近今是國朝諸老宿已為古矣攷漢印二名者可回文寫姓下
著印字在右單名古姓某之印却不用回文寫三字非複姓及無
印字者皆古人以字表德印下有空懸處繁簡相安布置不紊李
陽冰謂之巧者以此蓋古今遞相祖述才力益開踵事而增理所
必至漢人官印或私印以字行只載爵里後乃有朱文及押角有
從經史諸子鑄刻一二句者有摘古人記叙小篇刻至數十字百
數字者字數益多鬥巧競奇才力益日出其刻至多字者印章方

可。二。寸。許。措。畫。斜。正。可。按。以。大。九。宮。端。揖。拱。向。映。帶。左。右。玩。之。如
古。碑。銘。其。旁。或。記。年。月。鑄。款。識。又。如。古。人。之。刻。碑。陰。及。題。名。余。所
見。漢。碑。字。正。書。碑。頭。必。用。篆。隸。方。二。寸。許。爵。里。名。姓。不。過。十。餘。字。
如。臨。以。縮。本。可。方。寸。許。亦。今。之。印。章。所。師。承。是。變。通。古。人。之。迹。實
各。得。古。人。之。法。也。蔚。伯。劉。君。博。雅。好。古。蒐。藏。金。石。行。且。日。富。因。述
曩。所。聞。於。陳。君。樸。生。者。書。以。質。之。時。咸。豐。六。年。柔。兆。執。徐。花。朝。前
日。序。

致吳蓮芬觀察書

蓮芬先生觀察大人閣下。中春。既。我。饌。飲。庖。人。大。夏。荷。君。珍。頒。飲。

子丸承金賜藥金丹換骨竹素懷人可以滌煩襟除夙垢鑄佩無已

對使拜嘉昌也乍經溽暑落苔黥於衫中未到杭州浣酒痕於襟

上鮫綃織錦書匣猶存蟬翼籠紗搨本難賄蓄番餅少許擬製萬

韻帖漢景君遂令裳吟荷芰有愧詩人身似芭蕉空慙佛國謂君子

必稱其服維士也不恥惡衣而乞巧無靈金鍼難穿藕孔縫裳有

俗銀河徒悵匏瓜閣下穆如清風情殷舊雨詩云一日不見如三

月兮請以采葛之篇為君子誦也久違光采曷任汗顏盛夏調攝

自宜起居萬福

跋某菊花詩

某某以十年之舊雨愛三徑之秋風斫地悲歌眼空燕趙仰天一
笑魄落江湖飯顆相逢怪我別來太瘦柴桑有約為君頃刻開花
幾回騷客詞人香中索筆一具冰心鐵骨月下吟秋知否司勳已
生白髮可憐彭澤揮盡黃金交以淡而逾長花以寒而更健用披
短幅畧罄微忱

臘鼓賦

臘鼓兮春聲祝東皇兮太平敲冰箸飛璫寔揚枹兮拊鼓送司寒
兮迎貓虎兒童兮角兮蹈且舞鼓欣欣奏平康饜醉飽起羸疋鼓
咽咽振贖聳嘉雪澤去螟蟲奏鼓坎坎其則不遠扈扈鳩鳩兮獻

圖版奏鼓。鑿鑿景福。來崇星迴。斗轉兮。肯酒千鍾。戲鳩車。騎竹馬。不如臘鼓。兮。淳聲攻義。瑟說媧簧。不如臘鼓。乘今時兮。樂康。

音節道麗樂府之遺

原評

主忠信賦

以學者必以是為主焉為韻

翳古之君子。修辭立誠。守身必慤。既攝以威儀。益昭其貞確。歷丹青而不渝。貫金石而不剝。忠信以進德。於緝熙。厥厥心。得主而有常。念始終典於學。夫是以虞詐悉捐。尤悔則寡。忠為身之寶。人其鑒諸。信乃德之與。言可復也。四教列文。行忠信。兼本末。始終三省。以忠信習傳。無間斷。虛假旦明。屋漏其如示。諸斯乎。格物致知所。

謂誠其意者。若乃拳拳服膺。孜孜惟日。推諸己而施諸人。禮以行而孫以出。儒行以為佩。惟斯愛而斯傳。子張書諸紳。因載言而載筆。繹中心為忠之訓。取義則兼。取形聲觀人言為信之文。會意必。要諸誠實。不可須臾離也。當知有物有恆。庶幾終身行之。敢企毋。意毋必。蓋忠信主於心也。則心為身之官。忠信主於志也。則志為氣之帥。如家有家主也。父子兄弟夫婦。忠信誰曰不然。如田有田主也。畛域界限。堤防守忠信。云故不喜崇德。修慝辨惑。豈有他哉。治國齊家修身。視其所以。由是行仁。則勿二勿三。徙義則於彼於此。歌之里巷者。忠言傳至千秋者。信史。朝有忠信則賢其賢而

親其親野有忠信豈我為我而爾為爾舊令尹告新令尹忠則誠
然彼一時非此一時信乃如是奉為主宰凜若主持主於中不憂
不懼主於外有守有為似忠信者鄉原不過我門比之惡紫惡莠
小忠信者曹劌尚能請戰儼然有鼓有旗能忠故奉醴奉牲惟誠
可鑒也不信則無軌無軌其何以行之心賢聖之心該能動物學
古人之學主善為師是以忠信之學行之於人傳之於古選善必
與人無欺去惡乃於世無侮可以主五事之貌言可以平七情之
喜怒以忠信為甲冑乃武乃文以忠信涉波濤宜賓宜主是則操
之有要莫之或先學者其於時惕惕君子猶終日乾乾是誠何心

哉。人。知。改。過。果。能。此。道。矣。學。永。無。愆。子。路。有。聞。片。言。可。以。折。獄。曾
子。曰。唯。一。貫。於。是。傳。賢。讀。孝。弟。忠。信。之。書。至。矣。盡。矣。守。仁。義。忠。信
之。訓。藏。焉。修。焉。

用。成。語。如。己。出。文。章。本。天。成。妙。手。偶。得。之。趙漁亭

震為蒼筤竹賦

以題為韻

方。讀。易。於。芸。窗。證。同。心。於。蘭。訊。驗。物。卉。之。潛。通。識。先。風。之。漸。近。竹
茁。筍。萌。蒼。攢。苔。印。苞。初。坼。甲。文。有。斐。而。箭。有。筠。个。似。添。丁。日。以。暄。
而。雨。以。潤。數。三。十。六。宮。春。色。青。帝。乘。乾。歷。二。十。四。度。花。風。蒼。筤。象。
震。原。夫。震。之。為。卦。也。體。乾。陽。之。正。位。值。春。氣。之。良。時。其。色。則。青。分。

配夫雄黃坎白。其德屬木。兼彙夫甲幹子支。米也。蘇蘇啟蟄當土膏之動。有聲競競。驚雷聞雨澤之施。莫不驗羣卉之應候。順大化而無為。而是竹也。淇園抱質。嶰谷生姿。拂湘雲之靉靆。映汾水之參差。籊聲滴露。篠粉含滋。何葉乍添。夫蕙英而卦可測。夫靈著竹似嬰孩。宸宮之長男。卜爾竹封。君子密方之候。服宜之。而其初生之色也。烟含嫩篠。影綴新篁。藍光染翠。黛色含芳。豈綠竹之歌於渭水。匪黃竹之咏自穆王。聯蒼官青士之班。左右則響當。左介分白。虎蒼龍之色。東西則宸列。東方對擗日。而篩金竹院晴。生碧宇。吹巽風。而憂玉竹聲。律叶青陽。倘教拂上。需雲雲容。冉冉有時映。

來。坎。月。月。影。蒼。蒼。至。若。雷。水。為。解。竹。之。解。也。以。順。而。應。水。澤。為。節。竹。之。節。也。以。堅。而。剛。乾。為。玉。也。而。竹。之。琅。玕。如。玉。之。潤。巽。為。蘭。也。而。竹。之。清。潔。如。蘭。之。香。比。泰。之。拔。茅。而。竹。之。根。為。貞。勁。擬。姤。之。包。杞。而。竹。之。色。可。含。章。凡。旁。通。以。取。義。皆。震。卦。所。能。詳。又。况。震。為。專。而。既。專。則。書。稱。篠。蕩。震。善。鳴。而。和。鳴。乃。樂。叶。鸞。鳳。惟。輝。光。夫。草。木。故。取。象。於。蒼。筤。蓋。震。以。一。陽。之。乘。處。二。陰。之。伏。發。響。應。夫。春。霆。旋。轉。運。乎。地。軸。而。竹。也。感。機。之。奮。迅。應。氣。而。生。象。德。之。發。揚。與。時。為。育。所。以。天。心。見。復。驗。數。點。之。梅。花。地。氣。初。升。報。一。竿。之。修。竹。士。有。搜。易。象。以。鑽。研。仰。羲。圖。之。布。護。卦。氣。值。日。學。衍。京。房。爻。畫。占。時。理。

參管輅。崔葦。何以預。蠶功。稼穡。何以占。農務。術不問。火珠林。象兼
取乾鑿度。名標竹。箭。曾搜爾雅之訓。言美並。瑤琨。載攷揚州之田
賦。

取鎔經義。自鑄偉辭。門人何錢注。

卓犖觀群書賦。以題為韻。

左太冲。詠史才高。耽書志慤。上觀千古。眼界堂堂。刊落群言。胸懷
嶽嶽。擅相如。賈誼之詞章。比劉向。揚雄之博學。弱冠弄柔翰。把卷
情深。長嘯激清風。臨文筆卓。寓目縱橫。寄情超。越。將馳乎藝林。
愈研觀於講。幄。縑。紉。古錦。萬軸。琳瑯。玳瑁。新裝。陸雉。斑駁。臧。增。三。

篋充棟。可以汗牛。目下十行。殊編何須挂角。定許置身百尺。健風骨之嶙峋。當時放眼千秋。想天才之卓犖。迺其書之為先。而為耀也。則洞若觀火。書之或源。而或委也。則澄若觀瀾。書之經緯。天地也。如觀泰山之日。出書之昭回。雲漢也。如觀列宿之星。寒如遊瑯環洞。天搜羅有丹經玉笈。如入波斯寶藏。照耀皆珊瑚木難。顧盼自喜。胸襟益寬。青年綠鬢。長劍高冠。方之甲冠。鴻都救六丁。而守護若比卯。金天祿倘太乙之下。觀麟麟炳炳。雉雉芬芬。十華八會。五典三墳。范董子之玉杯。光生繁露。菟夏王之金簡。采煥卿雲。以至董狐。舊史蘭臺。秘文諸子。百家之騰。權箋疏表。奏之紛紜。恍觀

犀。玉。山。頭。峯。巒。嶺。峻。而。突。兀。下。觀。羣。芳。卉。譜。萬。花。飛。舞。而。續。紛。手。
握。瑤。函。真。覺。自。他。有。權。眼。高。銅。柱。斯。為。卓。爾。不。群。莫。不。高。文。擷。取。
細。字。爬。梳。百。琲。明。珠。胸。中。雪。亮。千。行。文。綺。筆。底。霞。舒。有。綠。字。丹。文。
之。秘。有。金。匱。石。室。之。儲。頁。頁。自。展。香。芸。不。少。辛。羊。帝。虎。紛。紛。如。掃。
落。葉。校。讐。亥。豕。魯。魚。小。儒。焉。足。為。漫。詡。一。丁。之。識。大。雅。如。可。作。須。
窺。二。酉。之。書。方。今。聖。天。子。壽。寓。同。文。寰。瀛。尊。度。朗。璣。鏡。於。萬。年。光。
琅。函。於。四。庫。石。渠。金。馬。輝。東。壁。之。圖。書。舜。日。堯。聰。敕。西。清。之。掌。故。
士。也。學。植。球。琳。音。傾。韶。護。莫。不。羨。多。文。為。富。臨。虎。觀。而。蜚。聲。觀。國。
之光。仰。螭。坳。而。學。步。黜。華。崇。實。漫。說。班。香。宋。艷。之。才。擿。藻。揚。芬。還。

追。三。都。兩。京。之。賦。

三。月。日。呈。寺。之。集。

春。暉。草。堂。

文。

二。五。

身月口牙言之集

二六

春暉草堂詩文稿

泰州程紹昌著

詩

儀徵鄭烈婦殉難錄書後

烈婦氏鄭字懷蘇。殉難能使綱常扶。大節凜凜必傳後。我詩先從
瑣屑書。幼隨京宦秉姆教。儀徵巨族家江都。祖擢甲科居臺諫。父
賜貢舉掌密樞。七歲侍疾忽火發。婢床在側憂焚如。急喚家人扶
母出。以己壓被當水濡。人言幼慧胸有珠。十九于歸程氏夫。程氏
業齷資巨萬。登堂再拜紅瓊瑜。莫誇錦帶繡羅襦。不羨寶玦青珊
瑚。但願嚴奉翁與姑。夫病急刲股肉進。厥疾得愈甘勝茶。無何家

業嗟中落。夫遊晉豫。連楚吳。星奔往復。窮姑死。熒熒乃依。兄母居。
兄擅文史。古為徒。筆銳于將。比厲鏗。無乃硯食。八口餽。助兄繪事。
換青蚨。一花一婀娜。一葉不凋疎。羞言沒骨花。無力可識。凌寒雪。
不污。揚州風鶴。突相呼。粵匪猖獗。將及鄂。夫還山陽。出門去。母氏
云。歿形影孤。阿兄相勸。避兵刃。家具草草。誰枝梧。日盼夫子。還家
室。一心誓死。甘守株。二月廿二。星見柳。下弦月。魄冷銀蟾。賊來入
城。城條閉。閤城男婦。嗟何辜。越月賊群。乃大索。排戶搜擄。日未晡。
自刃不死。賊舍去。血點斑斑。淚點枯。日盼天戈。大殺賊。自春入夏。
日月徂。作詩訴皇天。胡為罹于學。作詩貽夫子。膝下無哺雛。自向

空房完大節。乳媪救之母。乃憑續命不綰絲。連縷絕粒還。辭水一
盃。手扶刀痕。刀創裂。身求九死命。云俎朔月賊。去王師入。滿城積
屍盈溝渠。敗葉當階竄。狐兔。舊屋傾倒成荒墟。兄來求屍不可得。
哭聲嗚咽。臨交衢。招魂何處尋南澗。薦以寒泉。剪新蔬。吾聞天監
常不爽。烈婦之烈。光里閭。尸解兵解各一說。烈婦之烈。其仙乎。我
昨海濱遇吳猛。屬我題詩同鑲摹。我詩俯述烈婦傳。煩稱複引語
不誣。長歌既畢。起敬服。爭先日月良有諸。吁嗟乎。烈婦之烈。無時
無精誠。猶待清淮符。指日天戈蕩群寇。風馳電掣。民困舒。朝廷恩
大賜旌表。萬古不與蕪城蕪。

吟五兄屬題仲山畫菊仲山曾以畫菊冊頁貽我今已失去
見此幅覺一時樽酒之樂如目前也

草書之妙明點畫真書之法看使轉汪郎畫菊得此訣筆自蕭疏
氣充滿頗愛長箋長不厭短幅短一花一葉自攤披一筆一筆皆
婉壘霜氣落紙使成秋慣貌麤服而亂頭濕飛雨之三點物點描
新月之一鈎半鈎似此一枝寫橫幅隨手轉環作伸縮畫所不到
補以詩可詩可話可題詞屈子離騷陶公贊滿紙芳香落筆時我
識汪郎歲癸丑作客家鄉索筆走披君斯幅逢故人花前一樽開
笑口我醉題詩墨如酌高秋還為先生壽

子文小庵昆玉雪後招飲余適有武陵之行席間有贈恐余
雨雪載塗也醉中書感走筆效涪翁七言謝之

連宵雪澤及下尺禽呼泥滑雨喜塵我愛農夫學塗足步行脚軟
三里能梅花大笑飛瓊墮敲門驚起衰安卧脫屐贈我出門行頓
覺生平踏步輕嗟乎短後之衣當射雉莫把文章嚇腐鼠丈夫羞
作可憐蟲故人情多乃如許今朝賞雪添杯斝更煮龍團吟清夜
詩成翻覺古人慳何事殿名雙不借

守斝歌

我昔帆挂東亭雲見君祖德何溫醇飲中仙人稱草聖研磨風字

書通神。藏帖渺戲鴻。出入米南宮。善學山陰追玉局。龍尾鳳味思
 仙翁。石產有情天。人比多情佛。想君被先大風笑。薄情卷子。繪有揮手輕
 黃金。持躬珍白璧。書生有福面如鈿。研田朝朝照君面。以孫繩祖
 父教子。書名爭似傳義獻。守研為研卜行藏。先人手澤生輝光。剛
 柔分日課經史。珍重祖研登玉堂。登玉堂。延書香。子孫世世熾而
 昌。我携破研鑽故紙。眼見流光去如水。前年兵革走還鄉。手持遺
 編脫生死。此外家珍存有數。零珪斷璧隨烟霧。及今何人燕領盜
 墨磨盾鼻草露布。昨宵夢證石三生。棄擲枯管拓金城。小研名金城龍
 賓之墨下如雨。潤豁瞿鴛雙眼睛。身世滄桑誰易宅。願守清芬常

勿失濯筆。銀河會洗兵。研山凝之支機石。

書某寺壁

我聞佛門不二法。世界肉眼紛如麻。幾人夢見清淨域。恐墮塵世
恒河沙。弟子虔祈上乘法。手藝旃檀躬無瑕。如來歡喜彌勒笑。天
龍說法人無譁。付汝銅鉢紫袈裟。佛衣世上光明畧。幅幅閃出紫
金蛇。佛鉢海中功德水。朵朵養就青蓮花。我衣不垢斯念無遮場。
開選佛。佛說汝嘉。手持衣鉢何咨嗟。佛云堅持我願力。廣度衆生
始萌芽。香花栽祇樹。靈鳥喚頻迦。一朝功果滿。虎伏而龍拏。從此
衣鉢我付人。天花亂舞蝶翅橫斜。胡乃石不點頭花不笑。九頭月

黑聞鬼車。飢罷年尼釜。門關守夜叉。呵呵佛笑。汝行無差。十年功
面壁。達摩胡為耶。肯令偏袒托鉢走天涯。還有布袋行付汝。佛國
團團一大家。

題某秋江嘯月圖

古之善嘯者。孫登其次。惟有阮籍能蘇門。鸞鳳久不作。陳留蔓草
臺空。曾君從何處。得此意千餘年。乃續一鐙千餘年。中豈無響。我
思其人一一而神往。君不見諸葛公嘯隆中。越石劉嘯樓頭。坐而
嘯者。南陽守登而嘯者。東郊叟。或暑月嘯清風。生或峨眉嘯霹靂。
鳴蔚然而嘯。為雉氣。劃然而嘯。為鶴聲。我獨有口。噤不鳴。鳴亦不

得古人。聽安能。拏舟共君行。長江之長。明月明君乎。一唱我再。賡猿鳥為之啞。魚龍為之醒。星辰為動。搖山谷為碎。訇月茫茫而欲墜。江浩浩而不傳。戍連海上。曲子晉。緱山笙。

再題秋江嘯月圖

秋江渺渺秋波平。秋夜澄澄秋月明。清光萬頃盪空碧。遠樹微茫烟斂白。蛟窟無聲鼉鼓息。輕舟搖動玻璃色。石破天驚嘯如劃。洞庭蕭湘極飄忽。

題許賓四琴鶴圖

調鶴如對嘉客。彈琴且賦仙翁。聞君吉事取女。將和汝之絲桐。

欲雪

昨宵凍月暈黃昏。晨起凝烟蝕鮮痕。一鶴低徊閒覓影。萬松僮立
悄無言。風淒定為同雲釀。日薄猶嫌積水渾。漸覺垂簾香篆冷。自
呼杯酒抱温存。

移居東村

人說東村似畫圖。桑榆夾岸柳盈株。蕉心易展青連屋。麥脚全蘇
綠滿區。自剪春蔬閒意趣。待營夏簟睡工夫。夕陽策杖溪橋畔。鄰
叟時邀醉一壺。

表第宮小園分宅而居移家後感而賦此

多君使我燕居息。悔不當時鶯結鄰。秫黍村深宜酒客。杏花巷近訪詩人。溪穿春溜魚苗活。雪蹇茅簷鳥雀馴。此是南宮舊書屋。與君相對暗沾巾。

十一月初五日懷董藻亭

紅樹青山畫裡詩。昨飲董藻亭書室見君畫山水長幅相逢薄醉共清卮。我求古隸。追程邈。君抱幽情詠左思。瓊屑暗隨冬雨。釀梅花。冷見歲寒姿。再遲十日期鶴杓。又是當頭月上時。

寄六弟韜庵

秋宵病起夜臨池。每到臨池便爾思。無以復加惟奮搏。有時暗轉

露風規篇終細驗諸家法自運須忘所習碑畢竟安吳具神解力
齊五指劃如錐

菊枕

枕上今宵合有詩拈花作枕恰宜之正當白雁懷人夜不是黃梁
入夢時耳比鞠通神易効身除艾氣俗能醫細參內景經中語香
着肌膚心透脾

黑甜自覓安閑法甘谷人誇壽命強但覺夢中香栩栩怕聞世上
事茫茫空階滴斷重陽雨畫角聽殘昨夜霜因欲眠時飢喫飯暫
留一半裏餓糧

耳鳴秋夜不寐擬采菊花作枕得詩二首重陽日過鴛鴦園
看鞠佩齋先生見拙作許以菊贈園中故多菊也奉呈致謝
枕畔詩情尋蛺蝶耳邊更漏數蝦蟇乍逢仙客思膏藥
山童替掃花簷到落英分栩栩香從餘畝乞些些只慙投報無瓊
玖空想詩人詠木瓜

奉和元旦即事詩聞惠佳釀詩以謝之

聞說屠蘇便請鄰香傳口吻欲生津渴龍得酒騰身易乾鵲催晴
送喜頻滿把瓊宴煖許乞幾行珠玉句尤新不須自撥牀頭甕已
覺梅花破曉春

聞客冬至蘇州購書帖甚夥次前韻

安得瑯環地結隣。吳門歸後話前津。字搜北魏同時少。詞憶東坡
看白頻。下酒無如書卷樂。署籤須護印泥新。相看人日題詩早。月
上西齋是好春。

僕藏完白山人寄鶴書冊蔗樵驟欲索觀少翁欲先出此冊
然後致酒戲疊前韻

皖城八法近無隣。纔數家珍便問津。三徑不妨看鶴立。一觀容易
借書頻。讓君船泛珍珠滿。待我箱開翰墨新。畢竟詩情先有托。歲
華須買玉壺春。

麓樵欲兼惠食品疊韻却謝

五侯鯖敢羨東鄰。蔬筍年來慣說津。餐雪心腸聊爾爾。解甕食指
勸頻頻。真仙麟脯。觴行酒大雅。蒲魚。芡薦。新便論詩城。富遊席畧
分款。醋韻初春。

再叠前韻柬南卿

按南卿姓尤諱璋嵩姑丈也故詩中稱西園称草堂

飲爾醇醪德有鄰。西園梅萼繞烟津。秋江濯魄才何健。好句穿珠
聽已頻。寄鶴請看花閣。屢題詩。剛及草堂新。漢川茅屋猶如畫。到

此吟懷兩度春。

丙午春日錄贈劉麓樵原詩

丙辰五月陪真州吳讓之飲張君石琴西齋見壁上小石尊

兄詠梅四律依韻答之詩中多涉禪門語是日喜聞讓之論
書勉以參悟知一切法作如是觀也

松格由來同落落。石夷從此見粼粼。寒侵月窟香凝髓。澹着冰綃
喜稱身。能使作花存質幹。竟如相馬愛嶙峋。今朝乞得金丹換。蛻
却羅浮萬玉塵。梅骨

一花不見花身現。此意參從不二門。玉篋何來遮縹緲。金尊留與
護溫存。乍逢彼美春猶寂。莫問前生石不言。絕少驚沙吹雪片。旃
檀此夕淨聞根。梅魂

菩提非樹本。未無此是梅花第幾株。法說龍天初證果。寒凝蚌月

也。成。珠。根。攢。蓓。蕾。香。傳。信。竹。比。嬰。孩。雪。作。膚。養。就。瑤。臺。丹。頂。鶴。仙。
禽來降任招呼。梅胎

滿樹霜階猶錯落。數枝水面亦橫斜。四更吐月禽翻竹。正月開冰。
魚。啖。花。淨。垢。都。忘。參。有。相。色。空。不。着。會。無。遮。畫。禪。畫石二若許窺

三昧吮墨新磨韻字紗。梅影

輓陳繡堂先生

先生下筆擬班揚。天上修文名帝鄉。著作家傳陳太僕。科名人比
魯靈光。桂宮兩占文昌錄。槐市新添弟子行。苦憶年時風鶴冷。猶
聞杖履說康強。

軒名壽葉愛國亭。先代耆英壽百齡。進爵曾隨萊子服。著書當授

伏生經。

公經學精研漢儒早年治尚書今古文

鳳麟才美人文美。芹藻香流壁水馨。

慟說河東先友記。於今寥落悵晨星。

五載天南未息戈。鄉闈饑饉問如何。願聞道誼師儒繫。未展經綸
抱負多。時為流亡籌雁戶。閒吟荷芰伴漁蓑。他年封誥褒金紫。眼
見森森長玉柯。

題鄒雋生藏鄉先哲墨蹟成冊

前人寶榮名。詞翰必雙美。相觀得冥契。此中有微旨。喜君善搜羅。
斯意重桑梓。明日過君齋。飽看日移晷。

擬顏延年五君詠

阮君精鑒識。屬文多諷諭。長嘯樂其真。沈醉適所遇。窮途避庸人。
戢景保吾素。不為禮數拘。詠懷得天趣。阮步兵

中散餐霞客。遊戲逐槃遊。入洛有神契。鼓琴奏雲和。養生世所羨。

採藥山之阿。馴服羞驚馬。矜鷹當空歌。嵇中散

劉靈潛藏士。無心悅軒冕。乘車自翱翔。耽飲起沈湎。頌德辭無多。
荷插興不淺。韞晦善閉關。言凜白圭玷。劉參軍

仲容稟雲秀。審音無其匹。攷槃辨金奏。掘地得古尺。山公履薦牘。

太原爭賞識。出為始平守。人憶竹林客。阮始平

向秀暢宗風。竹素同游息。平生嵇呂契。如振鳳鸞翼。觀書愛漆園。妙解何昭晰。眷言河內遊。感藉山陽笛。向常侍

和東坡自金山放船至焦山原韻

山樓虎踞雄眈眈。挂帆飽看江東南。金山齋厨焦山宿。烹茶呼艇人兩三。中流擊楫朔風冷。何用瑟縮同眠蠶。吞吸江光看山綠。風伯不避無乃慙。衆山相望抱風吼。郭公啼鳥喚江潭。照眼分明雙螺髻。夕陽帆影紅半酣。風馳力飽到山近。禽言百種如清談。登山步步迎松翠。蘭棹荃壁留詩龕。我憶焦先當漢末。結廬來此情殊甘。人言此山山包寺。蠟屐未遍能無貪。青花寒翠摹古鼎。鶴銘搜

別時猶堪。晨鐘飯罷風浪靜。海嶽還訪雲中庵。

青桐館茗諱

新茶嫩過春于綠。小叙能教客沁心。君自諱詩吾讀畫。參來笙磬

總同音

仙蝠養成琴室靜。東園以錦囊置琴。腕圓窗外弄初晴。圖書詞翰

青桐館引我山陰道上行。時余將游浙

題康伯山園爐聽雪圖

誰將俗耳洗箏琶。記取瓊瓏雪點斜。拍遍陽春思和者。角招只合

詠梅花

熏鑪香篆擁高吟。撥取陰何候已深。我欲晴窗臨快雪。安排青李與來禽。

題秋窗校碑圖

西窗鐙火夜深青。手校殘碑證石經。奇字繇來闕攷訂。開函思訪

子雲亭

金石蒐藏有夙因。零縑斷壁總堪珍。欲窺定武蘭亭本。五字期君

辨偽真。曩借家藏。至郡城。汪君經伯言室。得觀家藏定武蘭亭本。

題尤銜雲寒江獨釣圖

書畫紛紛載一舟。淮陰風雪恣清游。何當神劍通靈去。擬甚江東

顧虎頭。

琉璃世界放扁舟。大好溪山作冷游。記取一竿春在手。梅花如雪。

滿松頭。

昔年曾上潞河舟。秋色今看泗上游。如此經綸好才調。光陰愛惜。

到竿頭。

表江江上木蘭舟。幾度相逢畫裏游。我是吟詩老巢客。何年詠雪。

百花頭。

城西草堂茅亭上。曾題百花頭上扁額。

遊城西草堂

秋蔬分綠滿寒畦。一覽郊原翠色齊。剛見蛾眉新月出。夕陽亭子。

小橋西。

憶訪杏花風側側。坐看楊柳影絲絲。絲。鴛。天。氣。茶。煙。碧。消。受。春。風。啜。茗。時。

四時竹樹不須猜。童約頻來逐徑開。最好春耕田盡綠。百花香過女牆來。

難得園林子弟賢。析薪圖畫影翩翩。分明負荷生涯。在花氣。書香。壓。一。肩。

詩卷裝成主客圖。花花葉葉費工夫。寄言破浪乘風者。細柳營前憶得無。

晨欹翠蓋斟仙液。晚折荷筒貯醪醖。一段詩情清絕處。紅蕖點水綠蜻蜓。

水上芙蓉冒粉紅。枳籬香綻菊花叢。秋原看獵亭西路。聞說將軍已掛弓。

無端老鳳苦情癡。時柳村幼子化去痛憶嬌兒放學時。或者探環羊叔子。

重來記誦草堂詩。

城西草堂十二景

小橋環綠水。窺園得幽憇。樹色淡晴烟。春痕有柳意。小橋烟柳

片帆白於雲。出沒白雲裏。女牆夕照紅。淡入魚霞尾。古堞雲帆

蘋蓼與鷗笠。催耕南陌頭。但得攜鉏來。賣劍而買牛。南陌催耕
踏開白水關。船入小西湖。東南衣帶水。莫惜伐菰蒲。西湖放棹
人日宴草堂。梅花照酒卮。吟回芳草綠。八十一胭脂。梅塢春深
秋暑張火繖。吹來荷葉雨。晚涼菡萏天。秋月如處女。蓮塘雨霽
老圃忽霜黃。寒蛩吟太苦。請畫草蟲詩。收入幽風譜。菊圃吟蛩
何必乘軒去。梳翎竹徑斜。園中有鶴俸。石隙無虺蛇。蕉廊調鶴
新涼親燈火。人影草堂路。幼讀有用書。不徒在章句。草堂課讀
山鐘吼蒲牢。城闌無夜警。年時畫角聲。人當發深省。每耳聞鐘
一塔東南峙。朝曦耀金碧。與君瞰軒亭。照見泮池筆。一塔晴曦

嚼雪盈滿把。不如化瓊漿。豐年見三白。何以傾萬觴。平疇積雪

戊午八月同人讌集城西草堂即席次袁後山韻鼎華

一角城西路。橋南徑轉幽。人隨今雨集。天放晚香稠。坐聽軍書捷。

國因。主客留園亭。自清暇。寺外白雲悠。上謂沛泉人

戊午七月聞鶴衫弟病歿壽州旅次詩以哭之

鄉關方帶甲。橐筆爾南征。昔去難成別。爾辭餘客。今悲空復情。青山

孤旅魄。江表有詞名。謂烟波詞垂老憐兄弟。艱危隔死生。

亡妻歿後十日乘小車至南鄉中途遇雨作詩誌痛得七絕

六首

五十四
五

頗解人間憶內詩。平生竟少一言辭。對卿試問揚州夢。未有風情似牧之。

貧賤夫妻合有詩。悼亡無語寫哀辭。無端乞得閒宮錦。亡妻殮服

有綉花錦緞 或者兒孫一慰之。

解民生痛匪我詩。爾去仙爍捧莫辭。添得孫曾聊慰藉。八孫添几

筵前月釜湘之。

車箱雨濕自哦詩。掀淖泥塗苦莫辭。生世未教輿脫輻。莫來愁我

路行之。

從此登高怕賦詩。三十年來幼穉一子 持螯難寫合歡辭。明

及凶妻皆歿於重陽日

年多把茱萸佩。自寫兵符辟易之。

何敢希圖偕老詩。告余噩夢復何辭。一聞病知之。夕夢失諧矣。歲寒本少梅
花釀。濁酒時能一中之。

輓堂嫂氏朱六十韻

束髮初授書。兄長以師事。趨走及庭除。少小毋嬉戲。阿咸遞我生。
長小香四歲肩隨如兄弟。閱今六十年。往事粗能憶。哀哀我父母。勤劬
何弗至。飭我夜共讀。耿耿青燈味。我已解民生。匪我而伊蔚。羨姪
有老親。慈竹森寒翠。詎料萱草隕。秋風冷凋砌。同此負米人。安得
庭闈侍。相見涕沾巾。回頭日月誌。嫂氏本名門。紫陽家世繫。憶我

從兄遊。阮巷咫尺地。聞德想徽柔。謹慎及纖細。敬以事翁姑。禮以
使奴婢。謹以事夫子。謙以待妯娌。吾家舊食貧。所主慎中饋。愉色
而婉容。一生孝德備。南澗繁蘋馨。四時承家祭。上奉迺姑命。婦德
秉純粹。顏色無愠喜。伏臘酒食議。奉行守成法。先事能承意。持此
十五年。庚歲兄登第。一生展眉時。相期樂黻佩。課子舉茂才。旋貢
成均肄。次子繼登科。表表門庭瑞。境遇本蕭條。米鹽問家計。幸子
善養親。鷄豚謀空匱。迄今廿餘年。研田守勿墜。晨昏有餘歡。形影
獲安慰。由來坤德貞。造福富及世。居恒寡言笑。柔順本內慧。有才
不使才。有智不任智。舉此得大端。可以充其類。內以和姻親。旁以

處姪甥。每每樂道之。亟願還鄉里。明月當幾望。祀事同襄理。依然
一堂聚。行坐隨起止。哀哉三年中。陟屺我無恃。飢軀各分飛。相聚
頻隔歲。一居江之濱。一客淮之涘。匪因秋賦期。或逢學使至。還家
一問安。飲食調營衛。今歲萍蹤合。與姪文謙會。嘆說慈親衰。六年
等風痺。尚冀病延年。九秩華筵介。前年生一孫。宗支有嫡派。去年
生一孫。熾昌卜後代。以此慰高堂。將使門閭大。玉樹映瓊枝。麟角
而虎翅。抱當卧榻前。餘暉有慈愛。今春三月天。賊氛聞鶴唳。姪奉
母移家。慎旃兵燹避。且圖室家歡。不同旅舍寄。繞郭多魚暇。插秧
有穡穡。歲復遭旱蝗。幾為饕殮累。吾姪精岐黃。難治氣血億。慎終

大賢云。賻賻故人誼。我跪奠椒漿。相視惟涕淚。謹為直質言。藉作
弟子記。

大兒祥禾。幕遊南臺。今七年矣。甲寅歲暮。旋里。即事得詩五

首

自爾出門去。吾家寄郡城。豈真輕遠別。且說賦長征。海上聞傳檄。

江南苦弄兵。年時風鶴警。兩地未歸情。

城北徐公美。葭莩托夙姻。八瀛資砥柱。七載得依因。遠訊詢鷗國。

歸舟附雁臣。史隨福州橋柚幸衣思昔別。親為拂征塵。

兩弟弱一个。回思餞別時。杯盤聊爾爾。帆檝故遲遲。昔說常華好。

今看宿草滋。卜安先壟側。相對有餘悲。

聞說南臺路。茲游頗足誇。手攀仙嶺竹。眼照佛桑花。鯨吼恬驚浪。鷄籠映曉霞。歸途今未晚。莫說苦思家。

可是卑官易。

兒從台南軍務還愁再別難家貧無上策世亂重租

得議叙從九

安。秋。泰。逢。年。稔。梅。花。耐。歲。寒。我。生。富。返。哺。不。忍。說。加。餐。

甲寅中秋蓬之先生招同湯君印卿張君左泉吾園看桂口

占索和前後八章即次元韻

明蟾圓而度。月佳節感秋。深破曉。釀微雨。擥芳乘未陰。小山通
咫尺。冷客且招尋。開徑苔花漬。閒階蟋蟀吟。

延秋申後約。情景不多殊。對酒酬知己。傳餐到腐儒。印榼有各携

月之近看芳樹老。莫唱月輪孤。擬問乘槎客。銀河洗甲無。

日夕酬君句。挑燈讀夜深。詩情本忠孝。去歲金陵城隘君百計脫

劍膽識晴陰。夢逐蟾輪轉。書憑雁足尋。團藥知有日。對月且高吟。

紙上談何易。風雲頃刻殊。軍門無下策。戎幕有通儒。劫度紅羊脫。

羣呼白雁孤。瓜期如可踐。一掃宿氛無。

我昨蕪城去。烟荒草亦深。邨迷黃葉路。城缺綠楊陰。破屋全書少。

殘碑亂紙尋。東闕橋畔。月蛩語尚悲。吟昌寄居郡城去

昨共河堤步。知君懷抱殊。遙情寄山水。古誼叙師儒。君與曼伯先

世有師友之

誼蹤托鴻泥。幻腰纏鶴夢。孤家鄉我羈旅。何處採文無。借昌同故里

眷屬神仙侶。家山祖德深。君祖籍寶應 沿途少賊嚙。登岸始秋陰。

杜老愁何在。梁鴻廡暫尋。娛親忻此夕。雛鳳抱書吟。

隱侯一知己。肝膽俗情殊。沈君調之金陵人射陽 江國多秋士。文

章本宿儒。君偕嘉客。至我不旅情。孤且漫開帆。去還來覓醉。無澗

君侍返金陵東鄉全

九月十二日夜對月 甲寅

乍過重陽夕。冰蟾掛暮天。霜遲三日後。秋莫十分圓。寫寫團圞意。
光增上下弦。更闌悵畫角。幾處枕戈眠。

秋蝶

霜寒柴門迥。秋原蝶故飛。時穿衰草過。不似落花依。照影低菱浦。偎烟隱釣磯。鄉園歸夢穩。莫謾惜芳菲。

小園菽菊三十種。偕兒輩灌植。累月重陽後。剪燭賞之。

鐙前作字乞黃花。來向黃香舊館家。灌就花花兼葉葉。看成整整與斜斜。

瓶盆位置判低昂。編菊還同繪事商。似有芳香生粉壁。鐙清如月紙如霜。

病中口占

暑寒燥濕本天和。亢激曾無得氣頗。祇為後天偏嗜味。頤之小過考無訛。

稜稜瘦骨似秋鷹。吐氣如何薄似雲。性自怯風喜風散。藥鑄偏不服銅芸。

采藥誰呼山鞠窮。堅凝澤腹釀梅風。夜來莫遣紅裳悶。神內經云。裳心子怕聽通眉唱惱公。

邀方外懷馨暨隣友。徐氏昆弟菊酒小叙戲成一絕

青菱紫蟹各分嘗。我亦平生蔬筍腸。病後老饕宜肉食。鑑前人比瘦花黃。

射陽

八家九家事耕桑。十銖五銖得蒐藏。漢銅苔蝕今難訪。落日滄波
過射陽。

沙溝

亂後仇離民鮮恥。女郎沿肆唱伊涼。春風十里沙溝路。聞有官錢
足上忙。

輓陳叔度先生

海內烽煙滿。孤城正氣伸。六年貞大節。一死愧庸臣。馬革平生志。
巖疆血戰身。睢陽前路近。毅魄總能神。

躍馬三山外。揮戈百戰雄。陳雲沈夜色。江水泣孤忠。聞遂詩猶昨。
量沙志竟窮。乞師留血指。殉難有人同。夏孝廉定邦從公百戰城陷時巷戰與公同殉難

題真州茶園峯石

媧后補情天。鍊石石華在。湘江泣竹枝。星精幻奇態。茶園古真州。
一峯邀希代。秋月對蛾眉。春風分向背。風遶鼓瑟音。雲重添鬟黛。
苔蘚綠成衫。蘭蕙香為佩。泉飛環珮聲。雲共桃花噴。况說園盛時。
都轉傳勝槩。次第敵華筵。綺羅紛作隊。人世一星霜。亭柳成荒穢。
茲峯媚盈亭。轉盼不可再。望古重徘徊。峯前一長慨。

秋山訪隱圖為趙仲穆題

萬壑寒蕭森。千章樹蒼老。溪錦新織成。雪文初脫藁。茅屋傍幽藪。
鹿麋卧深草。呼童掃綠苔。晏坐聽黃鳥。江山如有情。展卷舒懷抱。
囊琴為尋幽。不辭涉深窞。疎林間紅葉。遠遠出山杪。煙靄互吞吐。
恍若籠輕縞。從來趙王孫。胸次有三島。置之青玉几。雲霧時旋繞。
變幻為虎踞。尤怪疑龍矯。只此一洞天。愈探愈不了。山形頗渾成。
石貌實妍巧。宛然山陰遊。萬狀難分曉。骨力故清奇。因之得名早。

奉和禮堂司馬茗飲城北茶亭原韻

午簟乍醒茶算劫。壺中日月况如年。泉分淮水清時夢。扇引松風
靜裏天。獨向淄澠參道味。漫評甘苦叩先賢。關心欲慰民飢渴。太

息。衡。陽。阻。雁。箋。

題三峯園圖即次蓮芬觀察韻

鷗鷺鄉寬樂靜便。買山小築俯流泉。宦游記得青天上。聽說塵清
紫海烟。

三峯矗立傍雕闌。深插雲根倚不難。春到玉蘭香滿樹。檢書時作
玉杯看。

劍南入蜀壯詩才。歸賦園林掃綠苔。願祝一峯晴。更雨袖中猶帶
棧雲來。

翠栢虬松擬鳳擎。龍鱗虎魄總光華。君晝突過襄陽米。爰石休驚

據鼓蛇

新種魚秧長綠荷。引來碧澗到泉阿。五更看到珠槃耀。仙露從來筆上多。

渭川千畝夢猶香。移得琅玕綠萬行。不減輞川圖畫裏。一竿新著芰荷裳。

金樽照影面相遭。畫出鬚眉酒正豪。劇愛張為圖上客。不忘仲蔚在蓬蒿。

梧鳳還教竹鶴儔。頻年小阮得公偕。家小松姪遊幕四錦江春色

華陽月。更憶成都石筍街。

三年吟館高常侍。昌於丙午丁未年間。館連日。縱譚。康武功。後上飲。

康瑞伯。賤園。曾讀和作。却愛汪倫商繪事。桃潭畫水柳絲風。

論園買夏付長吟。月上藤蘿花滿林。看到脆圓時節近。青梅綠葉

總成陰。

平山訪僧

齊秋昨遇沈東陽。言訪招提到上方。好聽天龍來說法。生公前月

下維揚。

招邀湖舫出城闈。烟雨空濛淨洗塵。諸佛定呈歡喜相。今朝來看

百年人。

秋荷九月。藻菰蒲。急點新拋大小珠。香裊紅蕖花數朵。雨湖真覺
勝晴湖。

頂禮階前識遠公。翛然鶴髮映方瞳。萬松蒼翠支筇立。認取掀髯
瞿鑠翁。

雲房昔住終南巘。迹認山中虎踏花。遺核親嘗山果熟。人間何處
覓甘瓜。

殿前佛火夜深青。過眼興衰閱百齡。參透華嚴經一卷。何須更讀
相人經。

記取生宮認玉羊。
師生於乾隆辛未年乾嘉恩遇荷龍光。念珠試檢羊脂玉。

冬有奇溫夏自涼。

手揮麈尾當拈花。笑指恒河無數沙。聽到安心真實話。紅蓮白粒

勝餐霞。

芒鞋布襪紫袈裟。二雅由來著一家。謂二雅。涵。今日谷林堂上客。

涵雅師授谷林堂方丈。壁間又看晃龍蛇。涵雅師多藏。

勝游同日躡仙梯。同遊題諸詔。鼻觀清馨證木犀。恰羨少年得同往。

平山今日共留題。

失題

詩仿京華集。征車越歲來。詞添圖畫想。情洗竹絲哀。玉璫思裝冊。

黃金憶築臺。蜜梅香滿壁。入坐少飛埃。東遂西箏柱。南船北馬來。
魚鱗忻有兆。雁戶幸無哀。望闕看燕樹。懷人問釣臺。推蓬淮月上。
清絕出塵埃。

題桐陰抱琴圖

涼夜風篁吹。月上梧桐陰。清湍滴翠礧。幽響生瑤林。高人抱綠綺。
識曲理素琴。是時擅文譽。聲價揮璆琳。丹山鳴鶯鷲。百舌聲如瘖。
翩翩五色翼。上溯昆侖岑。中涂道云阻。竹實空蕭森。仰看浮雲變。
俯答流水吟。流水杳然去。天末眇鴻音。斯琴同響逸。斯圖閱世深。
孝子思祿養。歲月去駸駸。什襲裁鴛錦。價過斐南金。會當賦行役。

携此涉江潯。清芬播世德。悠悠千載心。

題汪子所示擘窠書

汪子廣陵俊。振藻敦古歡。示我擘窠書。玉躡兼銀據。從橫十四字。字字青琅玕。即以八體論。伯仲蘇米間。刮迺手澤存。記惟珍文翰。君幼失乾蔭。風樹推心肝。遺墨百無一。斷楹空研鑽。是帙贖諸市。粲然紙墨完。有如合浦珠。一去無端還。又如連城壁。間道歸邯鄲。定有神物守。或者蛟螭蟠。留作君世寶。金石同不刊。願君慎持護。故笏千秋看。

再題擘窠書

墨妙流傳少。誰從覓賞音。擘窠書大字。手澤勝精金。零落當時筆。
搜羅孝子心。珍藏須世守。莫使俗塵侵。

賀某壽七十

金風蕩殘暑。隙駟馳朝曦。烽烟逼閭里。踪跡相參差。浮雲黯江海。
哀怨難為辭。精心遊八極。曠懷觀四維。大雅久淪謝。風騷誰主持。
今茲溯譚論。古誼逾父師。松柏勵晚節。金石饒殊姿。所惜別顏色。
各在天一涯。以我憶公日。知公念我時。仁者重先難。此語心識之。
朱華流艷姿。殘英鍊寒色。時光等擲梭。迅如鳥飛翼。擬續懷人詩。
有辭訴千百。當其下筆時。一字轉難憶。杳杳荒城烟。蕭蕭遠林驛。

莽莽風色寒娟娟。山月白。世亂易乖離。念之悸。魂魄訴愁期。夢中有夢。或相識。莫道長相思。但云慎。眠食。

巍巍華嶽高。一覽掃群垢。湯湯江漢流。東下赴淵藪。此身抱區區。勵志常恐後。幸哉寡識徒。得侍先生右。萍蓬日以親。性情日以厚。榮名非不佳。所貴在操守。有時觀草書。蛟龍孕蚪蚪。有時辨星辰。剖析識樞紐。良辰屈古稀。敢拜頌黃耆。酒熟正梅花。遙持為公壽。

祈雪得雪呈泰州某令五十韻

清獻焚香告。皇天願不違。靈星三日禱。瑞雪六花飛。先去苗心害。還為麥實祈。齋壇明黍稷。夙駕莅騂駝。令止饗庖割。寒熏沐浴衣。

巫謳趨雜逐。雲舞等吁唏。城復于隍古。官臨此地希。狻鑪檀一辦。

鳳燭火交輝。章奏排蓉闕。標題兆棘闈。

是日州試詩題
含花雪告豐

絲來資月

旦。今日替神威。澹白雲容釀。昏黃月魄微。結成冰朵朵。肩作玉霏霏。裸壤蘇民瘠。萊田益地肥。室真虛白亞。鈺笑點金非。鷺嶺剛逢臘。魚鄉合免饑。侵晨喧粥鼓。徹夜灑柴扉。鳧渚誇瑤島。漁竿濕釣磯。鰕明潛水母。鮫素捲江妃。方遇珪形合。圓量璧羨圍。吟松蒼鬣舞。騎竹白龍歸。瑞采先逾燦。朱絃聽未稀。風刀蛟蜃避。羽扇鶴鵝揮。兵洗豐年告。農占寶露辭。稻人梅雨卜。秧馬夏畦腓。胛蠻通靈表。無益協化機。為寰儲粉米。入硯燦珠璣。滿把瓊英啖。何人飯顆

譏。有宮皆上館。餘畝獲兼圻。夫子今時傑。羣生淨域皈。經師宗後
鄭。史學陋知幾。八埏多才子。三升奏帝畿。鳳毛觀濟濟。鰲禁步巍
巍。御李聞推轂。瞻韓喜賜緋。金張貂七葉。孔翠翟雙暈。潔愛梳翎
鶴。銀描踏雪鴉。岳墩堅壁壘。泮水溯雲沂。賤子遲行李。征塗誦采
薇。江梅垂樹樹。岸柳別依依。筆凍夫休褪。壇寒夢易鞿。時晴臨帖
本。流水響琴徽。知白期無忝。垂青願敢晞。虞翻占泰運。董相愛書
幃。太守文章煥。吳陵姦醜非。治侔龔渤海。詩賞謝元暉。甘雨隨車
到。同雲布馬騶。著花香片片。脫甲色澄澄。練卒推專閫。從公迓采
旂。兒童齊舞蹈。草木總芳菲。金谷春將暖。瑤膏澤未晞。南山歌小

雅海曲沐光輝

己未元旦迎春書此志喜茲索古愚桐庵和之

斗柄七星曜東風八里郊

也迎春東郊八里郊也見盧氏謹說

黃塵聽凱唱赤鯉餉

官庖帖子金泥燦吟鞭玉雪敲簷端知鵲喜含笑問梅梢

晨起晤家小香談及國朝己未科人文之盛疊次前韻

制科前己未貢士國西郊雅訓師臣頡

康熙己未科舉鴻詞科擢國出帝庖

乾隆己未殿撰姚文僖公是科人文極盛武進張皋文太人文臺史精研易學著有虞氏消息虞氏易禮儀徵太傅亟稱之

有重詩格玉金敲今歲蒼龍正星旗見柳梢

月令孟春昏參中值合歲差考之昏中值

參旗九星東方地平星見柳宿年十一月十七日公歿時年七十一按是

春暉草堂詩文稿

泰州程紹昌著

詞

摘得新

花滿枝。粉蝶過牆時。抱香雙倦翼。訴春知。春風不解殷勤意。傍簾
飛。

浪淘沙

雙樹庵避暑
金雪舫題

野水正平堤。路轉青溪。雲山閣外畫橋西。無數蟬聲新雨後。萬綠
全低。歸逕欲先迷。自覓松梯。小詩曾記醉中題。雪藕調冰銷得
未也。要拈携。

一萼紅真州吳讓之先生屬
為樂平黃琴川題

憶江村。說城陰一角。昔是釣遊人。荷影疏紅。柳陰殘綠。幾番涼濕。苔茵問老鳳。舊巢深處。碧桐葉。何日訪高軒。杜老幽居。書囊藥裏。夢裡家園。直看浮雲西北。指故鄉天近。小閣江濱。石徑能諳。雕欄未改。到來添長蘭蓀。三五夕。如來金粟。貯團藥。好月澄前身。圖得畫中詩屋。醉裡琴樽。

菩薩蠻

近借吳先生讓之姚君仲海汪君研山學填詞錄
呈柳村親家按王二波二波軒詞選蠻作蠻

紺珠瓔珞冰燦碗。熟惱欲乞清涼散。佛却問維那。維那轉問他。晨興喧粥鼓。飭煮牟尼釜。火中有蓮花。冰雪濺齒牙。

前調

空山拾得同聲讚。不願打鐘甘執爨。佛授眼光多。等閒繪得麼。
披香聞發誓。不欲立文字。司命注文昌。開口吐鳳皇。

前調

金屏孔雀張雪扇。芍藥花開菩薩面。佛說定風波。香象騎渡河。
嚴妝堆玉髻。曾否拈花蟲。男果十三參。鹿女禮和南。

前調

青螺肉髻持清梵。能降千魔除百難。佛指頻婆羅。花開彼岸多。
晨鐘發人省。聲宗無人領。鉢底放梅龍。威光怖殺儂。

悽涼犯寒雅和姚仲海

圍翻赭墨。斜陽外。飛雅閃作金碧。空林廢戍。寒鐘古寺。關河極目。
檣帆歷歷。又看偏。征鴻爪跡。繞雲旗。來朝風厲。夜見翕箕舌。烏
甬門前樹。白草烟迷。孤城月落。私褰天杪。披鯤絃。絲音愁拍。柳外
行營。恁吹斷。霜天曉角。啄靈包。我替汝祝止楚幕。

蘭陵王

落葉和汪仲山 極十一研齋隨筆云。泰州程文伯
紹昌少負文名。至老不衰。嗜酒善書。專摹東魏。李仲

璇孔子廟碑。大草尤妙。所作詩文。隨手散失。僅錄和予蘭陵
王落葉詞一闕。韻長詞澀。具有清真遺意。於此可見一斑。

楓林赤。誰看亭皋落日。西風冷。霜葉亂飛。伴我斜陽聽蕭瑟。聲聲
咽戍笛。搖落江潭故宅。芙蓉老。漫點清池。攪澄碧。荒階易盈尺。

怕和去入寒砧。都做悽惻。征鴻一夜催頭白。便歸騎乘曉。吟蛩送

夕。閒愁拚掃一屏息。又隨客愁積。猶替原稿作落紅惜。原稿作濕聽

答我空林。休訴狼籍。生前惜原稿作綠多香澤也。蟲齧書冷。鷓鴣斑

蝕。金衣何處。記夢裡。喚曉月。按史祖達製此詞共一百三十字此

以家存原稿均少四字俟再改

祝英臺近 並引

商聽始淒。沖皓流照。川路百織。穆以金波。良夜三五。爰挈桂棹。

於是目洗明瑟。翹鷺嬉晴。夢入水雲。老蟾可語。此癸卯閏秋既

望。張君白華有江上泛月之舉也。以永今夕。善借秋心。若為催

詩。忽來急雨。相與命彼舟子。放乎中流。靈騰既展。勝賞斯標。滄
澗虛白。海氣沾衣。撲撲奇青。山翠盈掬。此則同舫。媿仙。駕言之
願愈愜。墊巾慕古。有滄之嗟。遂無。惟時交甫之佩。衣香暗移。周
郎之傾。耀歌競奏。當夫激揚清怨。掩抑新聲。文鱗沙際。而奮飛。
潛蛟泉底。而出聽。水光似雪。吟肩欲冰。林滴跳珠。蓬首如沐。蒼
葭十頃。寒碧一澗。謳盟可踐。粼粼始波。羽化疑登。陶陶申旦。白
華是以有泛雨國之作也。嗟乎。中歲之娛。全資陶寫。秉燭之述。
樂此夜遊。而規采未爛。豐澍已臻。圓景條呈。暝烟四起。觀化則
晴晦一時。覽候則涼燠俄頃。爾乃手操不律。雷電入其奇懷。客

吹洞簫。風水盪其幽魄。此又晝靄之會。甄雲海之觀。濤瀾之中。
有金石之奏者焉。夫游歷至恒。順應乃適。索風前柯。詎足瑩發。
襟抱哉。然則白華是圖。殆神與天遊。言象匪所滯。心偕物化。宇
宙為一陶。攬筆記之。為白華進一解也。

雁聲遲。帆葉冷。秋意迥晴宇。嵐影波光。似欲引人去。載將一舸。閑
情。榜枝摇曳。却無奈。江干風雨。且延伫。憐他歌扇吳儂。低唱斷
腸句。涼入篷牕。遠聽漏初鼓。倘教明月能呼。舉杯相酌。肯今夕清
光付與。

解連環

乙卯立秋前五日慧遠先生招同北郭
茗飲清話移時歸來燈下填此呈教

放懷無着。尋茶烟靜處。氣清寥廓。况妙語。思入非非。把看劍學書。
送歸談話。一點靈犀。便參透個中絃索。說茶徑待補。一霎潤喉。茗
椀重瀹。斜陽漸紅半角。珠霏咳唾。花片吹落。怎駐得當日年華。
付疎雨蕭風。一總拋却。溽暑天涼。趁晚步。江天邨郭。待今宵月上
二更。玉壺共濯。

一枝春

題錢子奇燕
山踏雪圖

朔氣橫空。征鞍催起。千山飛絮。客程暗數。減却少年情緒。金臺百
尺。怎無計教人留住。呵凍筆。重來舊地。自和壁間題句。故山白
雲深處。念倚闌人老。夢先歸去。衝寒莫怨。不比秋風前度。艱難一

第抵多少。萊衣戲舞。且能看金芍籠烟。綠楊著雨。

尉遲杯 綠陰

涼陰互。傍畫檻。欲共啼鶯語。淒迷一碧籠烟。隔卻繡簾朱戶。無端
銷夏。是昨日。嬉春最佳處。賸空階。幾朵殘英。背人飄墮如雨。綠
窗午睡初酣。休還要。重重錦障遮護。為問青驄。行樂地。想一樣停
歌罷舞。如今試翠圓薦酒。日方永。渾疑院宇暮。漫等閒換。似原稿了
秋聲。蕭條茂甚情緒。

定風波

夜十四月

楹外筠簾特地開。煎茶盼得故人来。月逐雲行疑對面。將滿。三更

風露。翳蒼苔。瑤宇高寒。見秋霽。如水清光。合照好樓臺。只當中
秋是今夜。無價。明朝晴雨。貴疑猜。

減字木蘭花

雕匳玉篋。着手蟲絲分復合。自學新粧。特地羅裙繡鳳皇。瑤琴
罷弄。嬌鬟似怯。金釵重。人比花柔。情比花柔。更要愁。

買陂塘

問誰家紅闌一角。竹梧窈窕如許。道是當年行樂地。認得燕簾鶯
戶。回首處。肯纔到秋來。忘却春風路。幽懷漫訴。自琵琶別抱。死
夢斷。還有情緒。佳期誤。此錯六州難鑄。相逢但話淒楚。傷心不

識東風面。紅萼何人為主。愁無據。已分作孤鸞別鵠。隨煙霧。言情最苦。怎理哀絃。更將新恨。寫入斷腸譜。

沁園春

五嶽難登。生平偏數。無非浪遊。看綠波千疊。都停畫槳。朱樓一角。已歇歌喉。何況西風。作將寒色。送過殘春。又撼秋波。灑潤。怕神仙眷屬。不住瀛洲。青山可耐勾留。有無限。淒清入俚眸。恁臺傾池潤。醒時疑醉。鳥啼花謝。歡裏皆愁。雄劍空鳴。毛錐無用。可有奇兒。是銳頭。來何暮。把夕陽。勸住。掛起簾鉤。

龍吟曲

自題焦巖
春月卷子

空亭送盡斜曛。寒輝一霎生波面。幾分山態。幾層雲影。都添輕靄。
遠渚收帆。高樓橫竹。隔江風便。待闌干倚到。三更漏轉。潮初生。魚
龍眩。長與山靈相見。寫牢騷。江花吟徧。春宵無價。清遊難續。者
回庭院。小閣杯深。畫屏燭燼。東風人倦。被林鴉催起。更看初日。把
紅霞燕。

水龍吟

登大觀亭

那能池水通潮。奔流洗盡孤臣血。危梯重上。青山千古。悽然欲絕。
彭蠡西馳。石頭東下。風帆明滅。向闌干高處。還教看到。塔巔雲。松
巔月。試問談忠說孝。寫淋漓。誰攜健筆。長廊空有。壁間題字。龍

蛇鬱律。春水初生。扁舟欲去。浪花如雪。把今日亭邊。蒼涼情緒。付
登臨客。

菩薩蠻

廣寒宮闕紅霞表。露階葉下無人掃。回首夢先迷。卷頭過馬蹏。
翠鬟嬌影墮。脉脉含情思。莫去訴雙星。素娥才解聽。

水調歌頭

題康瑞伯小
海山房圖

無計作歸燕。幾箇戀閒漚。城南舊日燈火。別夢要勾留。君說吾廬
常好。試聽熙春絲羽。得話舊朋儔。不見翠梧葉。新綠上枝頭。琅
嬛逕洞淪。啟靜簾鈎。仙都夢控胡蝶。尋我貯書樓。圖畫當時移屋。

付與清吟閒醉。不改故鄉愁。騎鶴竟何事。空說古揚州。

因是齋詩文稿叙

韜庵公生於銅陵。十歲回里。年二十二。姚歲入州學。二十五。食廩。餼。三十九。北闈獲解。其生平著作。宜有專集。奈經見止此。默想原。因。厥有三端。一、公晚年適值洪楊之亂。避居東鄉。一意淨修。對於。著作文字。不無淡視。故叙趙漁亭詩末云。刪去綺語外。存詩五六。百首。亦儼彙鈔云云。亦儼二字。可想尚未成帙。其時蓋感於修鍊。故於文字前途。發生一種障碍。一、叔祖秀臯公。為人渾厚。二十歲。外。以詩古博青衿。屢取一等。小松公回秦後。事務紛繁。一切喪葬。及建宗祠。皆賴秀臯公主持。故時而城。時而鄉。充陰半虛耗矣。余。

猶憶六歲時。公來阮巷。見余即執以手。笑問需何物。余向索扇。果往購斑竹扇與之。未多時。慘聞公病溫邪。歿於稅務橋家。時年甫四十二。喪中余隨先慈往弔。見廳事西房及方廳。紙堆盈尺。皆綴表軸上下。據聞川中着人來取。公生前不之察。足見公渾厚極矣。後由鄉避域。其家具被人竊去者多。馨願叔也。公孫長余三歲。再遷東虹橋。又回稅務橋樓下。馬能將先人手澤保存勿失乎。此原稿所由散失也。一。余二十二歲後。曾隨先嚴慈居稅務橋花廳數年。親見周麻業舊貨者。日往來樓下。叔猶故諱之。即有存者。亦被人零星携去。可惜也。記得余受業高表兄子愚先生塾中。曾聞高星

仲姆文說揚屬詞家。推韞庵公第一名手。故栢影軒詞。早蜚聲於揚州府志。惜全稿未之見。相去僅七十餘年耳。茲謹拾遺彙錄。吉先片羽。足為世珍。並述所知。藉抒感喟。想見公身處兵亂。不是之過。何恬淡乃爾。時民國三十二年十月十八日晨。高齡誌於稔蓀莊之獲室。

手
口
身
心
二
三
一

大
一

因是齋詩文稿

泰州程宇光著

文

晉孰室詩存叙

余年二十三。即識趙君漁亭。時君甫弱冠。已有能文名。余愛且敬之。余時不多作詩。未有唱和也。迨後奔走衣食。蹤跡漸疏。中間契濶者幾二十年。然常常見君詩。氣清韻古。無蕉萃沾濫之音。類君之為人。知詩者皆愛讀君詩也。癸丑余客授東臺楊家梁。君亦挈家避地而至。至即邀賦詩。詩之多。多於聚談。一夕月下。更詩請君。羣吠隨之來。余叩門窘急。君出應之。乃大笑呼鐙至。各出詩相質。

坐至漏盡始返。談藝之樂。不減少年。如是者凡兩月。旋別去。余亦不復作詩矣。今君編詩。斷自癸丑。迄於乙丑。皆軍興後之作也。此數年中。世運之艱屯。民氣之煩冤。物力之靡敝。困乏。尚未之轉也。懷抱不同者。宜其有傷心之作。沈鬱騰奮。一洗其胸臆之不快。而詩格為之一變。故詩之工。亦視時與境為之。君子於此。蓋不勝寄慨之深也。與吾鄉詩人得接見。而甚厚。余者。湯丈懋齋而外。君與田少泉。年皆相伯仲。湯丈詩至工而多。遺稿不可問。少泉詩。孤孫恐亦不知珍惜。而君詩得付梓人。此衰年所樂見者。余何幸而得叙君之詩哉。然非余又孰當叙君之詩哉。余詩不盡留稿。凡涉於

綺語者。昨又盡刪去。可得五六百首。亦儼彙鈔成帙。願君為我叙之。此所以報也。

夏退庵墓志銘

夏君退庵與先兄鶴衫先生交最早。兄嘗出遊。踪跡惟余獨密。相待之厚。無異待吾兄。壬寅。夷艇闖入大江。揚州擾動。君解桃源訓導任。歸視其家。遂病卒。前年兄歿於壽州。兵阻。柩不得歸。每悼兄未始不憶及君也。君諱荃。世為泰州人。曾祖諱贊虞。無子。以紀氏甥為之後。是為君祖。諱引年。父諱震。候選吏目。工詩。君生穎異。髫年操筆為文。老宿無能逾也。旋補學官弟子。二十六食廩餼。屢困

有試。遂不為場屋之文。入貲得訓導。肆力著述。而闕於邑之文獻者尤加意焉。先是儀徵太傅盧丹徒王徵君豫讓江蘇詩徵。君仿其例。為海陵文徵詩徵。王氏書但收州縣中知名數人而已。而吾邑自鄧氏慎墨堂集。繆氏餘園集。先京兆公夕陽書屋集。而外傳。福寥寥。君一意闡幽。人家敗壁。做簾中。有所見罔不蒐葺。脫損者亦潤飾完好。以留其姓名。積十數寒暑。而後成書三十卷。吁。可謂難矣。文徵已鈹板。實則君之勤瘁。畢在於詩徵。外此所甄錄者。亦好集六卷。梓里舊聞一卷。陋軒詩續二卷。慎墨堂詩拾二卷。宮閨揆藻集六卷。自著之書。有退庵筆記四卷。錢譜八卷。退庵詩鈔文

鈔各一卷。君治家極嚴整。惟朋友是娛。讌集輒談。謔盡歡。措事詳審不苟。充君之才。當無不辦之事。乃年僅得五十。竟以冷官終耶。是可哀已。然余猶得志君之幽。吾兄則葬無期也。余之痛其亦君之憾也。夫配仲孺人。南澳同知仲柘庵先生女。夙稟庭訓。工文詞。子女幼時所讀書。悉其口授。奩贈甚厚。堂上所需。必擇粵產之良者以獻。不敢有私財。君歿後。家中落泊如也。後君二十一年而卒。子嘉謨。有僕才。州學廩生。女七。皆適世族。君厝他所。同治二年十一月某日。卜葬於凌家墳之原。孺人祔焉。銘曰。其才博通。宜達而窮。著書以終。弓冶不墜。利其後嗣。百福俯至。松楸在原。以妥君魂。

子十日才言二二
悠悠千春。

致吳懷之書

懷之尊兄足下。日昨匆匆旋里。到巽夫處。冀圖一晤。乃復不相值。悵仄至今。頃奉到手翰。並扇紙如數。容寫成奉上。惟拙陋不足當大雅一哂也。第覓佳穎不可得。昨子鴻云。仲海製筆甚多。能否為索對聯筆小楷筆各一枝。感荷不盡。肅此奉復。即請適安。

致張蓉浦書

蓉浦仁兄大人閣下。日昨叨蒙雅愛。感荷殊多。逕懇者。刻下家嫂處需項過節。弟現處窘鄉。不揣冒昧。請挪用四千九百文。即求姜

木翁便交水關橋。至感至托。此項來月小兒上城。即奉上。不必會入杜家莊帳可也。統容面謝。即頌近安。不具。

又

蓉浦大兄大人台啟。日惟諸凡迪吉。屢於姜大兄信中奉候。想蒙鑒及。茲託者。弟刻下不能來城。乞代墊西典錢三千四百二十文。與顧家巷五家嫂處。又西錢一千一百四十文。與水關橋四家嫂處。一俟陸家河水通。即上街奉候面還。容謝可也。姜大兄信收到。匆匆未另。均此致候。致託。此頌刻安。不具。

又

卷浦仁兄大人台啟。久違念念。前承代墊西典錢四千九百四十文。今已會與雪翁帳房錢四兄轉交。今仍望墊西典四千九百四十文。並懇令親姜木翁大兄即交二舍姪祥森曉暢手。囑分給。為感。其錢俟示下即繳還。或寄城。或仍會與錢四兄。悉聽尊便。此懇。即請潭安。不具。

又

卷浦仁兄大人台啟。久不晤。春春何如。弟早擬上城。因循未果。刻下西路兵信如何。閣下處定有確信。務祈詳細示之。為感。茲兌到雪帆處西典錢五千文。明日舍姪持票來取。即望擲交。是禱。弟不

日來城大約與雪翁同行。統容面晤可也。持此順候刻安。不具。

又

蓉翁仁兄台啟。老東河麥租。想令親姜大兄已趕緊催取。無庸贅
託。昨晤雪翁。有蕭太太到姜大兄處借錢。想姜大兄業已付過。為
數若干。今又應送六月月錢。無便船可寄。已將錢送與杜家莊四
太太處。九五兌西錢一千六百文。五太太處亦是折色九五。兌三
千六百文。蕭姓已支過錢。全行扣下。此錢可各付一信。教各人來
取可也。得使順望。回示。匆匆。即候刻安。

又

蓉浦仁兄閣下。入春以後。諸惟納福勝常。為頌。弟本擬送考來城。今又中止。聞得杜小舫尚未回城。此時阜邑一帶。想已撤防。杜公何以未回。弟欲與一晤。惟懇閣下訪明。彼何時可以來泰。到時即賜一信。交雪翁擲下。翹盼之至。容面謝。此請刻安。不具。

寄川中書壬戌重九日

小松老賢姪手啟。久未寄信。每見姪媳。問悉老姪升官得子。種種欣慰。而來信却未之見也。刻下是否在新繁本任。抑在省垣辦公。和高保想更峽然露頭玉矣。念念萬千。衰年骨肉。團聚何時。曷勝懸憶。愚自癸丑得鄉館。即寓居於鄉。續與王氏結婚。借居王姓屋。

直至今日。愚頭暈時發。杯酒不沾脣者久矣。髮白齒疏。老態日甚。一日。張兒已完姻。前月得一孫女。明年女可出閣。惟清修梵行。以了餘年。外此不知之也。已兩年失館。然即得館。亦精力不足任之矣。惟是兵荒以後。安枕無時。江北烽煙未淨。而隔江江陰常熟。惟望艇師得力耳。邇年水旱不時。今年雹災蝗蟲外。繼以旱。又繼以水。田收淡薄。邇年愚鄉居日用較多。出入不敷。不知姪媳信中作何語。曾否道及苦况也。自改歸籍後。初尚望得一冷官。近茲無此念。只望張兒能進一學。便喜出望外。三叔棺在壽州。無力能運回。五叔之女已長成。尚無求聘者。文伯已作古人。其長子自臺灣回。

仍依人為活。小香之老妻老妾已物故。有三子尚幼。今年七十。尚
以舌耕餬口。西首大叔倚菜圃為生。四姑娘在彼平安。勤謹之極。
可以放心。春蘭業已許人。係城外西倉繆姓。非為妾也。刻尚未出
門。今因許信臣先生專人到伊公子瀘州署之便。燈下匆匆布達。
得暇尚望寄我數行。即交許處轉寄。定可收覽也。此問近祉。臨穎
馳想無已。

又

小松老賢姪手啓。頃接來信。并袍料。藉悉一切。甚為感慰。且令文
伯小香繩武亦得有接濟。為吾門增光。為之欣快累日。昨三月內

曾詳具一函。託許遂庵中丞由漢口附其竹報投遞。想已收到。遂翁不日來川就養。定當晤面。待我甚厚。近狀亦其所盡悉也。問之便知。檢閱來信云。不願調首縣。所見卓然。姪只小我一歲。首縣事繁。如何支架。不如中簡。稍可節勞。觀來信愛百姓一念。已種福根。嗣後念念事事刻刻。單提一心力作好官。如此作一日官。勝人作十年官。亦大丈夫稱心之事也。為子孫種德。尤其餘事耳。我春初忽患小腹旁氣核。近日漸大。卧則不見。起立使有形。行即痛。百步外不良於行。幸世間無我事。終日閉門念佛。晨夕禮誦。且持六齋。從三月至今。每日約數千聲。頗覺心地清淨。禪說有味。此事迴光

即是超諸一切。果在學仙之上。年老者須為將來一著。非戲論也。
竊惟此事與作官居家。兩不相妨。且可繁可簡。多至萬聲。少則千
百聲。事忙不消一茶之頃耳。吾姪前曾倩人作彌陀佛像。想已久
有此念。故詳言及此。明日可質之許遂翁。彼亦善知識也。况居官
各善事。皆可回向為修西助。因較我閉戶無作為者。難易何啻千
萬耶。望之望之。今年我處麥收稍欠。秋成一例大熟。然我尚有出
入不敷之患。因張兒娶婦以後。人口漸多。老病又不課徒。以是漸
窘。然我近日已置之度外矣。姪所得次子。明春可種牛痘。川中想
亦有局。此法甚便而極效。孫女昨亦行此。妥當不費事。可放心為

之也。我有故人張鐵華。名尚在川有差使否。晤時可為致念。下次有使來。可寄川連斤許。為姪作好事。許遂翁處常有信來。未託其轉寄似便。我家平安。我眠食尚未減。此可差慰耳。姪家亦好。可放心。兵警刻下稍紓。九洲為逆。南北往來要隘。經彭宮保克復。江北西路。可以無虞。且有都將軍長城可恃。惟江陰賊氛尚多。沿江北岸。終未安枕耳。特此裁復。即問合家安好。

梅花嶺賦

以丞相祠堂
何處尋為韻

客有尋芳邗水。訪勝廣陵。湖濱月冷。嶺上雲蒸。攀寒枝之料峭。想孤骨之峻嶒。古殿人稀。此地煙霞長護。秋墳鬼唱。當年袍笏難憑。

撐鐵石之心腸。賦誇宰相。作江淮之屏翰。力竭中丞。昔史部閣之
鎮揚州也。梁棟名材。鹽梅賢相。倏奪朝權。猶膺碩望。悵河山於半
壁。未許支持。飛烽火於千林。尚存保障。春燈燕子。爭鬧丁簾。鐵馬
金戈。仍開甲帳。紅羊劫慘。山前之草木皆兵。碧血枝凝。天上之精
靈無恙。向使故壘猶留。未沈浩劫。堅圍雖破。尚剩殘碁。南渡續中
興之局。中原迎上將之旗。方思扶桑弓掛。細柳營移。庶從容於東
閣。豈惆悵於南枝。祇言疾雨飄風。不推勁草。何料殘山剩水。終此
荒祠。爾乃臣躬盡瘁。戎事倉皇。斑竹之園兵下。新亭之淚愁長。空
愴神於天塹。難飛夢於高堂。一坏終古。前代滄桑。因而梅移十月。

樹列千行。招忠魂於寥廓。埋遺恨而蒼涼。從今山後山前。都成香
園。但祝花開。花落長駐仙鄉。則見松岡雪艷。石磴雲多。爭揮江月。
寫照湖波。蝶入寒叢而弔影。鶴依霜砌而辭窠。可堪江北風高。孤
寒如昨。試問淮南春早。零落如何。滿樹臙脂。紅染孤臣之淚。一林
風月。愁添商女之歌。今者恨滿蕪城。名遙香署。嶺雲漠漠而低飛。
花事匆匆而莫據。傍古徑而苔荒。夢梨雲而天曙。鶴歸華表。定嗟
墓木全非。春到江城。亦比甘棠難去。遮莫青山埋骨。麥飯年年。空
餘鐵幹撐風。鵲聲處。處宜乎垂名史冊。播烈江濤。磊落驚其介節。
崢嶸矢以冰心。事類文山。前身堪證。塚修卞壺。異數同欽。潔蘋繁

而遙薦。摹碑碣而沈吟。一角荒邱。顯與山靈而不朽。千枝寒色。又
招冷客以重尋。

蒼涼沈鬱。哀艷動人。趙漁亭

因是齋詩文稿

泰州程宇光著

詩

甲辰春初入都城西草堂留別

春到名園事事宜。深杯入手那能辭。闌前花竹新晴後。門外烟波
欲別時。小聚堪招吾輩客。此來為補草堂詩。關心紅藥千枝好。看
遍豐臺定念伊。

城西草堂十二景

繚繚范公堤。煙柳近餘幾。甘棠舊澤空。捍海失遺軌。斥鹵成瘠土。
况復受湖水。感時披斯圖。三歎廢書起。小橋烟柳

荒城大如斗。蔬圃占其半。郭外亦寂寥。葦菽盈對岸。東下近滄海。
去去風帆亂。避地有故人。翹首夢魂斷。古堞雲帆

種稻城之中。荒冷略可想。出門謝舟車。咫尺樂空曠。倚城作隄防。
歲歲報豐穰。不見北門外。淮水欲論文。南陌催耕

前年濟市河。僅可通車楫。曾偕素心友。刺船得幽愜。西南更清奧。
老木雲水接。此地吾已熟。約君踏黃葉。西湖放棹

水鄉不宜松。種竹易結鄰。但有幾樹梅。與君成主賓。春風最繁華。
能伴冰雪身。余將采草堂。為君圖喜神。梅塢春深

辛苦栽盆荷。數花以償之。幽賞苦不足。何如鑿我池。舒榮得快意。

陰晴含新姿。此花號君子。本能酬相知。蓮塘雨霽

康山有老鶴。曾識天顏來。雲霄志已歇。許我花間陪。此鶴倘見之。相視如嬰孩。但願仙騎去。去即到蓬萊。蕉廊調鶴

蛩聲感秋氣。商音亂砧杵。猛知赴敵場。將軍恥不武。壯懷感觸間。聞者輒起舞。獨來菊籬根。涼飈初過雨。菊圃吟蛩

吾邑卑濕土。百里無一山。岳墩覆蒼成。岡阜聯回環。老僧時假寐。霜杵殷松關。鼙鼓聲未收。此鐘何其閒。岳墩聞鐘

君有五男子。膝前還有孫。升堂陳古義。雁序和且敦。經史資有用。無取詞條繇。學成文武才。如識吾道尊。草堂課讀

畫山勢高遠。有塔勢彌聳。平疇資遐曠。雲木助飛拱。林隙返照濃。
仿佛金碧湧。遠景妙能借。此計豈鑿空。一塔晴曠

好雪恒知時。常在早梅後。客來只宜飲。寒氣逼戶牖。我與此園別。
日月亦已久。有雪便放舟。就君醉一斗。平疇積雪

送許遂庵先生入蜀

肘後方何有。牀前拜獨先。居然如七發。相與證初禪。軒冕全忘分。
文章易結緣。同舟前度路。快若已登仙。

開府重持節。籌兵自賦詩。祇今應宮闕。到處盡瘡痍。民命憑諸將。
軍情此一時。回頭看舊部。慷慨不勝悲。

公子賢司牧。能迎萬里親。待逢寒漲落。却及早梅春。介壽鄆筒美。
扶衰竹杖新。我眉天半望。好去問前身。先生自云。前世為我眉僧。
海內高門第。烽烟失故廬。且浮揚子水。飽食武昌魚。鼓角千江外。
鶯花二月餘。成都他日到。先訪子雲居。

禱詩廿首之一

作書愛柔翰。作畫宜勁筆。作書鋒內容。作畫勢側出。根柢非殊途。
運用惡執一。髯蘇每左偃。寫竹恐未必。篆體成卷雲。叔明果何術。
臆說幸勿聽。名士語多溢。

籠禽

身州已才言二一
籠禽何太苦。飲啄失天和。毛翮不自惜。機關誤爾多。驚魂迷夜霧。
倩影對庭柯。舊侶深山在。先時避網羅。

題鄭煦亭賞月延桂圃

集文選

明月皎夜光。安處撫瑤琴。初秋涼氣發。鮮雲垂薄陰。巖壑屬心月。
上有芳樹林。芳樹發華巔。長秀被高岑。奮臂攀喬木。待此未抽簪。
飄飄戲九垓。孰為勞寸心。放情陵霄外。幽蘭閒重襟。相與觀所向。
翰墨久謠吟。

古意

我有良玉。襲以朱黃。匪圓匪方。莫貢明堂。客來千里。嗟賞未已。置

酒謝客。客不飲酒。胡以奉朝夕。將為作歌。哀絃未和。將為舞劍。澀
銅未磨。玩我檐下雀。羽毛一何薄。插我階下草。資菜一何惡。白日
在戶雲在天。客與主人俱不樂。期君東海頭。乘風駕青蚪。蜻蜓從
何來。翩然相嬉遊。掉首不復顧。拂衣還神州。嗚乎。人人懷抱何地
好。鏡裡朱顏已衰老。

夜坐有作

啄腐吞腥可奈何。爭能戢影老岩阿。狂名我厭驚蚊蝶。拙句人呼
疥駱駝。起舞連宵鷄唱早。相思何處月明多。渡江徑欲煩桃葉。無

恨雲山獨放歌。

鈿酒大暑
贈少庵

鄒雋生集鄉前輩百三十人法書裝潢成冊當題

襄陽耆舊曾編傳。洛社名賢自不群。往日風流都歇絕。鮑家詩合
唱秋墳。

宋碣唐碑過眼烟。海濱文字仗人傳。故友夏遯菴藏執林更得蒐

羅力。翰墨因緣五百年。

因是齋詩文稿

秦州程宇光著

詞(栢影軒詞)

水龍吟餞春

小窗挂起疏簾。遙空暝色高樓暮。香巢燕散。梨雲無夢。餘寒猶駐。
屈指春來。幾曾禁着極天風雨。只烟情霧態。冥冥漠漠。便斷送韶
光去。最憶江干倦旅。惜穠華。頓成悵楚。一般花片。一般絮影。覓
春何處。但見天涯。夕陽芳草銷魂如許。要將他芳訊重探。須早共
流鶯語。

菩薩蠻

淚痕滿鏡。鮫綃濕。秋千索上拋芳澤。有恨總纏綿。博山爐裡煙。
打窗蜂蝶亂。午院東風緩。春絮逐斜暉。落花相對飛。

前調

碧梧明月紅蘭露。臨春閣外山無數。小院閉蒼苔。雁聲今夜來。
鏡中人易老。悔種紅心草。江水似君心。怎知江淺深。

木蘭花慢

向殘暉盡處。看寒色弄霏微。正落葉煙沈。吟蛩雨咽。悄掩羅幃。征
衣待將寄與。怕而今似妾瘦腰圍。西北分明雁路。如何不帶書歸。
空閨。漸夜漏音稀。好夢惜參差。歎隴水磨刀。秦樓對鏡。舊願都

非哀絲倚歌。淚落恁蒼涼。抵聽小戎詩。知道木蘭故事。不應悔作蛾眉。

霜葉飛

闕河早霜。愴神搖落。填此吊之。以證同感。者。此稿藏洪逸侯處。逸侯抄贈保存。高注。

疎林如許零星在。紛飛都似輕絮。前番唯怨東風惡。肯怨花無主。算幾日雲旂護住。蕭條一夜成空樹。正雨濕烟低。只點點殘螢照。

見拾翠庭宇。回頭歲晚江城。沾苔依草。恨蹟旋作塵土。錦屏人

散闌芳菲。記艷游何處。比斷梗飄萍更苦。相看燕雁皆愁侶。待故

山南枝放。翦紙招魂。但添酸楚。錄甲寅舊作贈洪純士純士神交已久。惜詞筆不足。副我懷也。

定風波

雨雨風風返擢遶。江頭杜若寫相思。昨夜燈花紅一寸。無準。寒宵
聽慣五更雞。曾說春來歡緒。就孤負。待到秋來依舊負佳期。秋
換或冬還更易。知未而今真是寂寥時。

雨中錄稿奉寄竹家老兄清鑒。請轉呈家文翁老兄觀之。詞與
字可有進境否。按竹家係田先生少泉號也。此稿謨叔贈

得端

奪錦標

九秋懷
九秋詞
軍中

細柳營開。舉頭高處。大將威儀初識。裊裊龍蛇。千匝舞影飛揚。旌
旗同列。挽西風欲駐。問多少。隔江鋒鏑。儘隨他。澹雨疎烟。掩映鈞

陳南北。西去烽煙未息。楓葉蘆花。相對朝朝岑寂。盼得指揮人
到。橫掃檣槍。秋空如拭。任新霜節近。尚舒卷。向人歌席。費工夫。七
寶裝成。也是為伊憐惜。

疏影

秋牒
九秋詞
軍中
之二

蕪城賦後。問井榦舊製。何處重覓。霜落烏啼。畫角聲中。銷魂最是
殘月。秋心只向秋風訴。切莫與守碑人說。數幾番。看菊城頭。眺盡
雲山千疊。回首繁華舊地。分明如畫裏。綠楊春色。繞郭寒潮。仿
佛當年。換了般般蕭瑟。東南倚作金湯固。祇此意有人先識。俛女
牆為送斜暉。無語獨捫蘿薜。

長亭怨慢

秋堠
九秋詞
軍中
之三

正山下種槐無數。十里塵沙。迢迢如許。斥候關心。嘉名誰為認。延
鷺。周流二六。都可惜匆匆去。飛騎一鞭未也。不管秋風秋雨。辛
苦。見一燈樹外。便是枕戈眠處。衣期尚遠。且莫怨者回征戍。但細
看幾片平蕪。已識得他時歸路。任落日荒寒。獨自閒聽笳鼓。

水龍吟

秋角
九秋詞
軍中
之四

尋常總帶商音。何曾為在西風裏。城頭月落。五更初冷。攬衣先起。
江北江南。幾般嗚咽。壯心遙寄。把今宵是處。蟲聲雁語。都併入征
人耳。戰鼓填然和得。翦長鯨。天戈前指。此聲不惡。分明催取。縱

橫兵氣。無奈清愁。聽未獨夜。夜長難寐。卻無端當作。哀若怨笛。惹
雙雙淚。

轆轤金井

九秋竈
林詞之五
軍中

虎貌無限。纒烟高。兵銜望中千萬。鏹斗曾攜。鎮夜行隨伴。晨炊未
晚。念裏馬加餐。飯汲井泉深。採樵路杳。黃花初見。陰符有誰細
覽。嘆古人難學。纒增還減。試問軍儲。祇蕭何能辦。關中餉。轉怕薪
盡。有人愁嘆。瞥眼冰霜。深冬早。覓枯柴盈擔。

霜葉飛

九秋
林詞之六
軍中

箭雲逐電。須臾事。雄姿空對。蜀豆。沙場汗血。總難辭。暮養恩原厚。

出。

一枝花

秋籀 軍中
秋詞 之八

中猶人何巧。翦羽工何妙。強弓開兩石。饑鴟叫。指淺草平原。電影
飛林表。百戰將軍老。撫馬上雙韃。回首千峰殘照。聽吉語甘泉
先報。越砥還儲料。眼前今已是金風到。憑毒鐵焦銅。身畫凌烟早。
狐兔群先掃。釜底游魂。禁受得箭鋒多少。

燭影搖紅

秋幕 軍中
秋詞 之九

隨地支床。重帷不隔寒蟬語。說兵河朔。燭高燒。下筆驚風雨。戎馬
書生自許。耐更闌鳴笳動處。夜寒未卷。添到征衣。頓教悽楚。製

吳州日星寺二

因是齋

詞

一三一

就蓮花。不逢王儉誰能住。將歸燕子怯秋涼。先別空巢去。只算征人最苦。更休提朱簾繡戶。天涯但有。同入賓僚。肯陪尊俎。

此同學沈愚卿贈得原稿。抄贈我保存。嵩注

湘春夜月

蔣菊不
作花

算秋光抵春一半。繁華怎似前度。春風羞到野人家。接眼寒燈乍上。但疏枝淡影。整整斜斜。笑黃梅時節。移根辛苦。雨脚如麻。短籬繞遍。西風無賴。寂寞天涯。屈指重陽。看禿髻。茱萸重插。還醉流霞。瓦盆休棄。為護持。當作蘭芽。只檻外怕夫容伴少。占秋不住。分與閒花。

虞美人

蟲聲切切悲如許。枕上過殘雨。已無好夢不如醒。又是五更斜月上疎櫺。木樨一樹餘香在。搖落篝燈外。重帷下後北風涼。才是秋宵莫便說宵長。

憶舊遊

題康伯山小照

甚秋聲聽過。昨夜松篁。又弄蕭騷。多謝天公意。恁清涼世界。現出瑤瑤酒杯到手先盡。寒色上書寮。要耳洗箏琶聲。了細更畫芭蕉。低飄曾聽處。有幾輩江湖。顏色先凋。君愛吾廬好也。星星短髻。揮禿霜豪。陰何撥取灰裏。都是寫無聊。漫孤負詩情。一清如水。

歌洞箫。

三十九日才言二二

三十三

延暉書屋詩文稿叙

先祖父屢試秋闈。未伸厥志。卒以優貢老於鄉。中年館淮館蘇。晚
迺館於泰興江都間。成。就。後。進。不。少。館。穀。所。入。不。事。生。產。疊。遭。吾
高祖考星泉公。曾祖考香巖公。叔祖考瀛仙公。喪。痛。門。庭。之。衰。謝。
嗟。後。嗣。之。靈。懸。他。人。處。此。難。免。憤。懣。不。平。氣。時。流。露。文。字。中。獨。公
涵養有素。慈愛性成。聞由館携修金回里。途遇難友。每不憚傾囊
周助。邑之人爭推公董清節堂事。時洪楊方熾。堂用支絀。公寧為
堂負債。至歲暮有催索者。公因失信。寧向人在陳家汪邊服禮道
歉。視後來之皇皇大董若何。時而堂中什物。損形缺乏。即搬阮巷

物與共。不計也。年六十一。生吾先嚴。繼生吾二三叔父。回憶嚮生之年。距公歿十四週耳。得聞邑人及遠近鄰父。每每稱道公之隱德不衰。並聞趙家莊館主人之子孫說。某年文伯叔曾祖偕包安吳先生。由揚避亂。來館訪舊。終日縱酒譚藝。伸紙作書。書室中棄紙山積。散後悉令館童火之。若不甚愛惜者。其於平日著作之存稿。可想見矣。蓋聖門以德行文學分科。公優於德行。不免視文學較次。歿後先嚴輩才十歲上下。烏知公之手澤乎。嘗聆先嚴道訓。阮巷小書房。昔懸興化李復堂鸚鵡山石一畫幀。被某故家子無端攜去。後向探詢。不承認。以補長吾先嚴輩數歲。能知鸚鵡美。

是否知復堂何如人。終未敢信也。一畫如此。遙想其時散失多矣。獨零星遺稿乎哉。此八十年来一大憾事也。茲僅就歷年蒐集已經及見者。叢錄成帙。庶幾四程遺墨。得同傳於將來。詎因篇數無多。一任散存故篋乎。嘗見古人對於邑名流之殘篇斷簡。雖片紙隻字。且珍同拱璧。况親為其子孫者。責職所在。其勉焉毋忘。時民國三十二年小雪後。家孫嵩齡謹誌於因樹園之穫室。

延暉書屋詩文稿

泰州程祥芝著

文

致小松堂弟書

小松賢弟大人啟。睽違十載。時切馳思。邇值楊二兄南來。接讀手書。彌徵關注。沐鴻施之下逮。有鶴俸之頻分。引領德輝。感激奚似。伏惟賢弟大人。勤勞懋著。政績昭然。指日五馬宣風。一麾出守。曷勝慶幸。兄年逾七袞。健飯如常。餬口依然。舌耕如故。痛自丙辰年。先慈見背。荏苒之間。不覺七年之久。曷勞之感。曷其有極。去年三月間。先荆汪氏。長妾林氏。十餘日中。先後棄世。以寒素之家。疊遭

大故難乎為情矣。所幸蔡氏入門。連生三子。長恩官。資質太弱。看來不能讀書。然亦不能聽之。現在上學。次恩洋。出繼二弟。天姿純篤。悟性尤佳。現帶在身邊。朝夕誦貫。十五歲經書可完。託吾弟之庇。十六七可出而應試矣。非凡材也。三恩普亦開蒙讀三字經矣。吾弟連獲雙珠。德門有後。能繼續先祖之書香。亦大美事。義方之訓。刻不可違。慎勿以年老得子而存愛護之心也。方今賊氛平息。鄉會開科。正士子茅茹之先聲。大家努力要緊。諸老友晨星落落。田少泉前年已歸道山。康瑞伯強健如故。其餘范雨村。金雪舫諸人。皆以都轉之招。聚處海陵。亦一時盛事也。兄近來多讀唐賦。於

六朝人門戶。亦能仰窺萬一。去年童生之取賦者。子駿三第。廷張
大第。皆已同業入泮。程氏有繼起之人。可為誌喜。伏願老第大人。
以恭。敬。忠。虔。已。以清。慎。勤。居。官。嚴。以。教。家。勿。踵。寬。凌。之。習。嚴。以。課。
子。勿。貽。溺。愛。之。譏。古。之。人。頌。不。忘。規。吾。弟。斷。不。以。為。迂。也。繩。武。叔。
力。田。勤。苦。僅。能。餬。口。無。力。再。捐。功。名。如。有。議。叙。即。與。大。叔。可。也。紙。
短。情。長。揮。汗。作。書。藉。此。恭。請。升。安。伏。惟。俯。照。不。宣。

以文會友賦

會以君子以文
友為韻

儒行以多文為富。學記則敝業樂群。誼恒聯乎風雨。功不輟乎夕
昕。匪獨振詞壇而樹幟。騁藝圃而冠軍。郁乎文哉。言在詩書。執禮。

嘉之會也。友貴直諒。多聞讀正。心誠意之。書依於仁。必游於藝。誨
治國齊家之本。第事長先孝。事君當夫。君子學於爾室也。未出門
而同人。必齋居而修己。誦湯盤則日新。又新。歌文王則敬止。得止。
勤學修而策竹美。武公興仁義而天桃詠之子。修身之道無他。絜
矩之云如此。於時離經辨志。視學三年。鼓瑟歌風。懷人千里。朋之
篆文似鳳。可以不如鳥乎。友則小雅鳴鶯。亦曰矧伊人矣。迺其會
友也。非鼓篋而橫經。儼左圖而右史。誦貫徹表裏。精粗辨論。該本
末終始。文字有玉書金簡。以典籍為文閣。文律奏五聲。八音以笙
簧為條理。如登相禮之地。問主盟者何人。如親校射之堂。能反求。

者。近。似。誦。藝。深。探。禮。密。請。執。牛。耳。以。登。壇。布。席。擬。上。經。筵。非。若。燕。
毛。之。序。齒。意。惟。守。文。行。忠。信。之。訓。豈。有。他。哉。若。其。無。文。理。密。察。之。
心。則。將。何。以。蓋。斯。友。則。蹒。蹒。濟。濟。斯。文。則。馥。馥。芬。芬。斯。會。比。五。章。
六。采。斯。人。讀。五。典。三。墳。奇。文。共。賞。嘉。言。孔。殷。問。言。氏。之。絃。歌。俗。風。
休。美。對。公。西。之。章。甫。禮。樂。繽。紛。益。友。不。啻。聲。氣。人。文。皆。會。風。雲。作。
席。上。珍。儒。冠。儒。服。飲。泮。宮。酒。采。芣。采。芣。景。仰。魯。國。諸。生。運。際。麟。珠。
吐。瑞。肇。起。漢。廷。博。士。人。來。虎。觀。論。文。誼。比。漆。膠。言。有。區。蓋。論。說。以。
尊。讓。明。謙。朋。友。以。誦。習。取。兌。詩。書。為。文。章。至。味。虞。舍。咀。之。未。深。章。
句。乃。文。學。附。庸。崇。堂。階。之。必。大。闡。出。微。言。妙。義。如。聞。韶。於。齊。拾。同。

斷簡殘編。恥無譏自。鄒經郭乃。固於金湯。書城更揚其旗。旆臨文
有膝。薛爭長。宗大雅之敦槃。披文如儒。札歌詩。贈名賢之縞帶。以
格物致知。窮其理。折衝增俎豆之光。以令聞。廣譽施於身。文繡比
衣裳之會。方今聖天子崇文選士。澤沛菁莪。壽考作人。才多薪樵。
士也。器成琢玉。冀日就而月將。朋慶盍簪。思左宜而右有。凜大學
孝經之義。儲盛世之膠庠。遵鵠湖鹿洞之規。萃人文之淵藪。敢不
砥礪以飭廉隅。切磋而佩瓊玖。譬如為山於平地。自有吾身。願尋
學海之津梁。印須我友。

延暉書屋詩文稿

泰州程祥芝著

詩

遊城西草堂即事題贈

落日淡林薄。招我遊城西。城西闢草堂。古木與之齊。桑榆三四畝。黍稷前後畦。紅塵飛不到。綠竹徑都迷。人生行樂耳。何為樊籠羈。大笑出門去。鳴鳥枝上啼。

海陵斗大地。園林盡荒地。溯其創造時。始基非不美。心願既太奢。功程又復侈。臺高而池深。易成亦易毀。羨君性恬適。定靜在知止。茅屋結構成。容膝聊爾爾。可以宴友朋。可以長孫子。

二三良友至。稚子為款瀾。樽俎無多設。蘿磴相與攀。縱譚及今古。
新詩時往還。春韭與秋菘。興致何閒閒。隔江有好山。在我襟袖間。
勞生苦行役。無田可躬耕。偶來閒曠地。輒生欣羨情。倦鳥或安巢。
游魚亦知更。安得清風至。同看秋月明。示我琴一曲。飲我酒一罍。
高語羲皇上。並坐學長生。

邨雋生收藏鄉先達手蹟裝冊屬題

雋生能嗜古。採訪有必周。先達著典型。邈焉如可求。駢領扇清風。
吉光片羽留。荆闕遺法在。羲獻筆力道。展卷一披閱。力可迴萬牛。
徵詩紀相國。一一登選樓。既收芸臺相國輯淮海英靈續選為退庵

微顯復闡幽。吾友夏退庵荃有海陵詩徵文徵之刻得君而鼎足。明珠非闡投。君之

才力富。班超當封侯。君之八法精。弓冶徵箕裘。清和書畫舫。並蓄

而兼收。為功在桑梓。貽惠及朋儔。他年遊五岳。足蹟徧九州。收藏

既益富。剔蘇頻雕搜。此卷相印證。先氣逾吳鉤。讀罷飲一斗。天外

風颭颭。

壬寅二月三日同人恭祀梓潼帝君以我能拔爾抑塞磊落

之奇才分韻得爾字

束髮事詩書。要在得大指。毀方而瓦合。毋乃衆所鄙。海陵風近淳。

翩翩會多士。華國富文章。深心託經史。維茲仲春月。敬恭集桑梓。

齋被禮神祇。肱蠶伸禮祀。三揖而百拜。高堅唯卓爾。用束爾身心。毋容尚奇詭。詭用端爾行。檢毋庸語近。市異日立朝。端硜硜比君子。稽首神明前。砥行立名始。作詩告諸君。渝者有如水。

癸卯仲春陳硯香將試京兆留別同人自小香以下帳飲者凡十三人以春風得意馬蹄疾一日看徧長安花分韻得花

字

送子長安去。春風及第花。同行偕弱弟。剛松弟有客望天涯。舟楫紛如織。文章爛若霞。朝来看澹墨。猶自說橫斜。

百歲輪才會。螭坳殿上誇。今番能奪錦。及早試簪花。舊織千狐腋。

新嘗八餅茶。舟中題壁白。早已看籠紗。

鄉里如何住。前程事本奢。關心惟客路。著意吐奇葩。羨子才如海。嗟予鬢已花。秣陵秋色好。猶待泛輕艖。

海陵斗大地。雀噪厭喧嘩。感慨自茲起。科名能幾家。所崇惟實學。匪獨競聲華。暗裏朱衣點。同看上苑花。

題許賓四琴鶴圖

昔在趙清獻。一琴與一鶴。先生未出山。而有匡時畧。綠綺聲泠泠。白羽光翯翯。朗吟猶未終。閒雲出幽壑。

春社日
巳巳二月三日
同人分賦

記得袂針絲到門。今年社日又開樽。宣防無復洪濤警。力穡依然

古道存。通來聞豫工合四處春聲喧鳥雀。一林落日散雞豚。太平

龍秋收可卜

景象從何見。扶醉人人荷國恩。

春曉

鶯啼燕語入春天。曉日當窗曉霧妍。不為惜春偏欲起。雖當中酒

不思眠。吟詩謝客深情寓。舞劍劉琨逸興傳。獨憶金釐廷試者。嚮

長身惹御爐烟。

和陳少方六十生朝道光丙午刻本

杖履追陪憶昔年。近聞高躅更超然。修成清福能離俗。撇却塵緣

即是仙。幾度素頭尋脉望。何時海上遇成連。名山自有千秋業。松栢蒼蒼本性全。

獨有金剛不壞身。耽幽習靜見天真。功名卅載成虛願。智慧三生證夙因。齊物定然能化物。解人原即是傳人。等閒莫應蒲輪召。嘯傲林泉足養神。

年來頗讀活人書。綺語浮夸久懺除。兔穎拈時心自靜。蛟豪是豪

展處體常舒。山中慣友長生鹿。濠上貪看適性魚。敬慎修容恭則壽。先生真是指南車。

僕僕緇塵道路長。笑余癡願未能償。陳編蠹飽猶堪讀。故紙蠅鑽

豈遽忘。炎夏頗能除熱惱。陽春未敢和瑤章。區區敬佩韋絃意。燈
火傳薪賴主張。

風入松

剡夏峇峇集

清風何颯爾。有客正鳴琴。巖木微微起。松間謾謾侵。趣從絃外領。
聲向樹間尋。天籟傳三疊。真機動一林。沙平鷺雁落。枝老聽龍吟。
流水。濤初長。高山月乍臨。雲烟成絕調。身世託知音。解賦民情樂。
南薰洽舜襟。